

ZWIŁIWA ZWA MUYA NGA

KHALANWAHA YO TEAHO



Tendani fhedzi, tendani fhedzi,
Zwithu zwōthe zwi a konadzea, fhedzi . . .

Hani, zwino nga iyi ndila:

Zwino ndi a tenda, zwino ndi a tenda,
Zwithu zwōthe zwi a konadzea, zwino ndi a
tenda;
Zwino ndi a tenda, zwino ndi a tenda,
Zwithu zwōthe zwi a konadzea, zwino ndi a
tenda.

Kha ri vhe ro ima zwino, zwifhātuwo zwashu two kotama.

Murena, ngavhe ulu lu sa vhi luimbo fhedzi, fhedzi lwa vha vhudzivha honoho ha mbilu dzashu vhu no khou imbelia nn̄da, “Zwino ndi a tenda!” Vhafunziwa vho amba nga tshīwe tshifhinga, nga murahu ha musi Yesu o no ita mishumo minzhi ya maan̄da, vha ri, “Murena, zwino ri a tenda.”

Yesu a ri, “Naa vhoinwi zwino ni a tenda?”

² Vha ri, “Ri tenda uri Iwe u divha zwithu zwōthe huno a hu na thodea ya uri muthu a U funze.” Ngauralo, Khotsi, madekwana a ɬamusi ri a limuha uri Iwe a u ḥodi pfunzo yashu, fhedzi rīne ri ḥoda Yau. Ngauralo ri a rabela uri Iwe u do ri funza ndila ya u rabela, ndila ya u tshila, na ndila ya u tenda. Zwi tendele, Murena, nga kha iyi tshumelo madekwana a ɬamusi. Arali ri tshi shaya tshīwe tshithu, ri ɬee tshone, Murena. Ri zwi humbela Dzinani la Yesu. Amene.

³ Ndi a zwi divha uri vhunzhi han̄u no ima hafhu madekwana a ɬamusi. Huno, nn̄da, ndo tangana na zwigwada zwe zwa ri two kundelwa u dzhena ngomu, huno zwi khou thetshelesa radio yazwo mimodoroni yo fhambanaho. Huno zwino ri do lingedza u ita nga u t̄avhanya u ya nga hune ra kona madekwana a ɬamusi, vhusiku ha Swondaha, ri din̄ekedzela kha u rabelela vhalwadze, ra vha na muduba wa thabelo vhunga ri tshi nga kona u wana mūwe ngeno n̄tha. Fhedzi ri khou kumedzela iyi tshumelo madekwana a ɬamusi kha thabelo ya vhalwadze.

⁴ Huno ndi ḥoda vhoinwi ni tshi fhātea zwino kha . . . aya Maipfi Makhethwa a Mudzimu, kha Lutendo, Lutendo lwa ino awara. Lutendo! Zwi khou yo dzhia lutendo lwo engedzeaho u fhira zwe zwa vha zwi zwone nga tshīwe tshikhathi-vho, ngauri ulu lu tea u vha lutendo lwa u takulelwā ṭađulu, u

dzhiiwa nthā. Huno ngauralo ri ṭoda inwi ni tshi tenda madekwana a namusi zwethe zwe na zwi vhona, na zwi pfa, Ipfi le na pfa li tshi rerwa, zwi—zwinga na zwimangadzo zwe na zwi vhona zwi tshi itwa. Ri ṭoda inwi ni tshi kuvhanganya izwo zwethe fhethu huthihi mbiluni yanu, huno na zwi sedzulusa, uri kana izwo ndi Mudzimu kana hai.

⁵ Zwi nga Elisha wa kale, o ri, “Arali Mudzimu e Mudzimu, zwenezwo Mu shumeleni.” Huno arali Yesu e ene tshithu tsha vhuṭhogwa tsha zwithu zwethe kha Mukriste, zwenezwo ndi elekanya uri ri tea u litsha tshiñwe na tshiñwe-vho huno ra Mu nambatela. Elelwani, Ndi ene Tshithu Tsha Vhuṭhogwa, Ndi ene Naledzi ya Devhula, Ndi ene Wa U Fhedza, Ndi ene Ambadzifhele. Huno arali Ene e Naledzi ya Devhula... Hu na tshithu tshithihi fhedzi tshi no do sumba kha ɳaledzi ya devhula, iyo ndi tsumbadevhula yanu ine na khou alavha ngayo. Huno Tsumbadevhula ine nne nda khou ni linga uri ni alavhe ngayo ndi Ipfi, huno Ipfi tshifhinga tshoṭhe li sumba Khae.

⁶ Huno ri pfa unga ri khou fhira nga kha tshifhinga tshihulwane tsha u hanganea na milingo, tshifhinga tsha u khakhelwa na u hanganea vhukati ha dzitshaka, na zwithu zwa tshaka dzothe zwi no khou bvelela, huno nga tshiñwe tshifhinga ndi nga ndi a fhihamelwa... Huńwe na huńwe hune nda sedza, hu fana na kha... ngomu tshikepeni nn̄da lwanzheni. Huno ndo newa vhulisa ha Gungwa. Huno ri khou yo zwi ita hani? Huno hafha hu da lińwe li re na khephe tshena, line la vha uri li fhira tshikepe tshanga kađana. Fhedzi ri do a tinya, lińwe na lińwe. “Ri fhira vhakundi nga kha Ene.” Kaputeni, Kaputeni Muhulu, o fara thambo magumoni a tshikepe, U do tshi kokodza tsha vuledza. Ri do ponya lińwe na lińwe lao.

⁷ Zwino, madekwana a ɳamusi, uri ri kone u ṭavhanya huno ri ni bvise nga u ṭavhanya. Ri takalela u reila hańu hulapfu, na zwinwe-vho, na ndila ine na tea u reila, na u diňaledza hune na tea u hu ita. Huno, ni a vhona, izwo zwi nnyita uri ndi vhe hune nda do tou takalela u ima huno nda tou dzulela u amba huno ndi tshi khou ita tshiñwe na tshiñwe tshine nda kona u ni thusa. Fhedzi musi ndi fhano ndi lingedza u dzhenisa ngomu tshiñwe na tshiñwe tshine nda kona, u ɳea thuso nga itscho tshikhathinyana tshine zwino ra vha fhano. Zwenezwo inwi ni dzhia... Arali ni tshi ɳea vhathe zwinzhisra nga tshifhinga tshithihi a vha koni u zwi elelwa. Inwi—inwi ni tea u dzhia fhedzi tshithu tshithihi huno na tshi fara heneffho kha muthu u swika vha tshi tshi vhona hetsho. Huno zwenezwo musi vha tshi wana izwo two diaho mbiluni dzavho, zwenezwo vha do... zwenezwo vha funzeni tshiñwe tshithu-vho. Ri tshi tshimbila liga nga liga fhedzi.

⁸ Zwino, inwi ni rabele huno ni vhe na tshivhindi, huno ni tende zwino madekwana a namusi u itela phodzo. A thi elekanyi uri hu na mbudziso-vho ḫhalukanyoni yanu nga ha

tshifhinga tshine ra khou tshila khatsho. A thi tendi uri hu na mbudziso thalukanyoni yanu nga ha uri kana Mudzimu u vhukati ha vhathu Vhawe kana hai. Ndi tenda uri nothe ni a zwi tenda hezwo. Huno ndi...A hu na u timatima thalukanyoni yanga nga hazwo. Huno ndi—ndi—ndi divha vhathu vhanga, khonani dzanga, khonani dla Kristo, vhana vha—vha Kristo, uri vha a zwi tenda hezwo.

⁹ Huno zwi n̄ea dakalofulu u swika hune nda vhona musi ni tshi zwi ̄ivha uri ni na Mulaedza u bvaho ha Mudzimu, huno na u ̄ea vhathu huno na vhona vhathu tshi nyanyuwa Ngawo. Zwenezwo inwi ni sedza murahu huno na ri, “Ndi a U livhuwa, Khotsi.” Oo, ndi dakalo-de zwenezwo ni tshi vhona vhana vha tshi khou la Tshinnkwa tshe vha rumelwa tshone! Ni a limuha uri ilo lo vha li bono miñwaha yo fhiraho, henefha kha iyi thaberenakele? Izwo ndi zwone, “Tshinnkwa tsha Vhutshilo.” Murathu Neville, inwi ni a zwi elelwa, maanda. Tshifhinga tsha maanda!

¹⁰ Zwino kha ri vule, arali ni tshi ̄oda u tevhela mbalo kana ni hu swaye, fhedzi...A thi tendi uri zwi do vha zwo teaho u vha na tshumelo hu si na u vhala Ipfi la Mudzimu na u ̄ahisa mahumbulwa a si gathi, arali i tshi khou yo vha tshumelo ya phodzo kana luñwe lushaka. Rothe ri a pfectesa. A hu na vhatsinda vhukati hashu, ndi zwi dzhia nga u ralo. Fhedzi rothe ri a pfectesa zwine phodzo ya vha zwone. A si tshithu tshine muñwe muthu a ni itela tshone; ndi tshine Mudzimu a vha o no ni itela tshone. Tshidzo i kha mutualadzi wonoyo muthihi. Tshithu tshi re hone fhedzi, ndi, u ita uri vhathu vha tende zwauri ndi Ngoho. Huno Mudzimu u a funza nga hayo kha Ipfi Lawe huno zwenezwo a i sumbedza avho vha no do I tenda, ngauri O ri, “Zwithu zwothe zwi a konadzea kha avho vha no tenda.”

¹¹ Inwi ni ri, “A hu na tshithu tshi sa konadzei kha Mudzimu.” Ni a zwi tenda izwo? A hu na tshithu tshi sa konadzei kha inwi, na inwi. “Ngauri zwithu zwothe zwi a konadzea khavho,” (Mudzimu ndi Muthu muthihi) “kha avho vha no tenda.” Ni a vhona? Ngauralo a hu na tshithu tshi sa konadzei kha inwi, u itela inwi, arali ni tshi nga tenda fhedzi.

¹² Zwino kha Dzikhos Dza U Thoma, ndima ya vhu¹⁷, ndi ̄oda u vhala ndimana dza u thoma dza sumbe, Murena a tshi funa.

Huno Eliya wa Tisibe, we a vha e wa vhadzulapo vha Gileada, o amba na Ahaba, Vhunga MURENA Mudzimu wa Israele a tshi tshila, ane nda ima phanda hawe, a hu nga vhi na ñwando kana mvula kha iyí miñwaha, fhedzi u ya nga ipfi l̄anga.

Huno ipfi la MURENA lo mu dela, la ri,

Tuwa fhano, huno u livhe vhubvaðuvha, iwe livha vhubvaðuvha, nahone u dzumbame tsini na mulambo wa Kiriti, u re phanda ha Yorodane.

Huno zwi do itea, zwauri iwe u do nwa a mulambo; huno Ndo laedza mahunguvhu uri a u kanzwe henengei.

Dzhielani nzhele, “a u kanzwe henengei,” hu si huñwe fhethu-vho. “Henengei!”

Ngauralo a ya nahone a ita u ya nga MURENA, kana ipfi la MURENA: ngauri o ya huno a dzula tsini na mulambo wa Kiriti, u re phanda ha Yorodane.

Huno mahunguvhu a mu disela tshinnkwa na nama nga matsheloni, na tshinnkwa na ñama nga madekwana; huno a nwa a mulambo.

Huno zwe da zwa khunyelela nga murahu ha tshifhinganyaña, zwauri mulambo wo da wa xa, nge ha vha hu songo vha na mvula shangoni.

¹³ Murena kha inge phathutshedzo Dzawe kha u vhalwa ha Ipfì Lawe. Huno zwino, madekwana a ñamusi, ndi ḥoda u dzhia liñwalwa li bvaho heneffo, li no vhidzwa, “Zwiliwa zwa muya nga khalañwaha Yazwo.” Nga matsheloni a namusi ro vha na ngu—ngudo nga ha—nga ha “U itela Mudzimu tshumelo, kana u lingedza u Mu itela tshumelo hu si...-ndani ha u vha hu tshifhinga, khalañwaha, fhethu, kana muthu.” Huno zwino iyi ndi: *Zwiliwa Zwa Muya Nga Khalañwaha Yo Teaho.*

¹⁴ Uyu muporofita, Eliya, ri divha zwituku nga hae. Fhedzi ri a zwi divha uri o vha e mulanda wa Mudzimu, nahone mulanda wa Mudzimu wa iyo awara.

¹⁵ Huno Mudzimu o shumisa Muya Wawe we wa vha u kha Eliya, ho no di vha kararu, huno u fulufhedzisa luvhili lwo engedzeaho; kañanu, u itela tshilidzi. O U shumisa kha Eliya; Wa da kha Elisha nga mukovhe wo itaho kavhili; wo vha u kha Yohane Mulovhedzzi; huno u khou tea u da u dzenisa fhedzi Muselwa wa Vhannda; huno wa da na Mushe u isa Vhayuda hayani. Izwo ndi zwone. Ndi kañanu hune Mudzimu a fulufhedzisa u shumisa Muya wa Eliya, huno o no di zwi ita kararu.

¹⁶ Zwino, uyu muporofita muhulwane, a ri divhi hune a bva hone. Ri a zwi divha zwauri o vha e wa Tisibe. Fhedzi uri u da hani...

¹⁷ Ri divha zwituku nga ha vhaporofita. A ri divhi hune vha bva hone. A si kanzhi...Vhunga, a thi divhi nga ha muñwe a no da a tshi bva kha tshivhidzo kana a vha e na lushaka murahu hawé. Ho vha hu tshi tou vha vhanna zwavho vhe vha vha vha sa ofhi, nahone, zwifhinga zwinzhi, vha songo funzea. Huno vhone na kathihi a vho ngo ita zwa u ñwala, vhone vhañe. Yesaya na Yeremia, vha si gathi vhavho, vho ita zwiñwe zwa u ñwala, fhedzi uyu munna muhulwane Eliya na kathihi ho ngo ñwala na tshithu na tshithihi. Vhanzhi vhavho a vho ngo ñwala; khamusi vho vha vha

sa koni u ñwala. Fhedzi vho vha vhe vhanna vhe vha vha vha tshi hwasa. A hu na munna Bivhilini a no nga avho vhaporofita vha kale. Vho nyadza mivhuso, dzikhosi, vhathu, zwivhidzo, na tshiñwe na tshiñwe-vho, huno vha ima vho khwatha kha Ipfi la Mudzimu, huno Mudzimu a sumbedza uri vho vha vhe kha ngoho. Vho vha vhe vhathu vhe vha vha vha tshi hwasa nga maanda.

¹⁸ Huno uyu Eliya o vha e munwe wa vha hwasesaho vhavho vhothe. O vha e munna wa soga. O bva sogani; o dzula sogani. Bivhili i ri o ambara zwi re na mavhudzi. O vha o diputela nga mukumba wa nngu, na tshipida tsha mukumba, o diputela nga mukumba wa gamela khunduni dzawe, nga maanda... ndebvu kha tshifhañwo tshawe, huno ndi do humbulela uri o vha e munna a vhonalaho a tshi hwasa nga maanda, na u mu sedza.

¹⁹ Fhedzi riñe a ro ngo... a si vhothe vhe vha fa. A vho ngo fa vhothe—vhothe. Mađuvhani a Khorø ya Nicaea, vhunzhi ha vhoiñwi vhathu vhe na vhala *The Nicene Council of the Early Church*, musi vha tshi toða u ita dzangano ngayo huno vha kwasha zwiñwe zwivhidzo zweithe, huno vha dzhena kha tshithihi, musi vho vha vhe na iyo Khorø ya Nicaea, vhanna vha hwasaho vhunga Elisha vha dzhena ngomu henefho vha tshi bva sogani, vha tshi la miroho fhedzi; vhanna vha hwasaho vhahulwane. Fhedzi vhahulisei, vha ñtha, fhasi ha Constantine, na vhañwe-vho, vho fhumudza ipfi lavho. Ngauri avho, vhe vhaporofita, vho zwi ñivha uri thoro ya goroi ya Tshivhidzo Muselwa yo do tea u wela mavuni, u fana na thoro ya goroi kha Muhwe yo do tea u wela mavuni. Huno henefho yo vha hone lwa miñwaha ya tshigidi.

²⁰ Izwo ndi ngazwo vha tshi ñwala dzibuguni namusi, "Naa uyo Mudzimu o fhumulaho u ngafhi we a vha a tshi kona u ima huno a sedza, a vhona vhana vhatuku vha tshi vhulawa, huno vhasadzi vha kherukanywa vha bva zwipiða nga dzindau, huno a dzula ngei lutomboni huno a si ambe tshithu nga hazwo?" A vha ñivhi Ipfi. Iyo thoro ya goroi i tea u wela liphasini. Naa Mudzimu o lugaho o vha a tshi nga kona hani u ima huno a sedza Murwa Wa Ene muñe a tshi fa na u pfelwa mare, na zwiñwe-vho? Fhedzi ndi u ya nga Ipfi, zwi tea u ralo. Huno iyo ndi ñdila ine zwa vha ngayo u swika na kha ino awara.

²¹ Uyu munna, o vha e munna muhulwane. O vha e na murafho muvhi phanda hawe. Ahaba o vha e khosi, khotsi awe ene a sa athu vha hone vho vha vhe vhavhi. U bva tsha Salomo, ho tou vha na khosi mmbi i tshi tevhela inwe. Huno uyu munna, Ahaba, we a vhusa miñwaha ya fumbilimbili ngei Samaria, o vha o vhiphesaho khavho vhothe. O vha e wa musalauno wa vhukuma. O tenda kha vhurereli, zwa vhukuma. Huno o vha na tshiñwe na tshiñwe kha ndowelo ya musalauno. O vha e na vhaporofita vhawé vha Vhahevheru vha mađana

maña, vhone vhothe vho dzhena tshikolo zwavhuđi nahone vho pfumbudziwa. Mudzimu o mu rumela muňwe huno a sa zwi tende, huno uyo o vha e Eliya.

²² Fhedzi Eliya, uyu wa Tisibe, o vha e munna wa sogani. Hu si munna mutete; o vha e munna a hwasaho. Huno liňwe duvha, nga murahu ha musi Ahaba o no tshinya u swika Mudzimu a si tsha kona u zwi kondelela, A amba na Eliya sogani. Huno hafha u tsela phasi nga ndila ya u ya Samaria, vhunga ndo no fanyisa kanzhi; khamusi ndebvu tshena dzo bvela nnđa u mona na tshifhađuwo tshawe, thoho i re na phanda i tshi penya duvhani, mato maťuku masekene a kale, ngei murahu e na lubada tshandani tshawe, u nwethuwa tshifhađuwoni tshawe, a tshimbila a ya henefho kha khosi ya Israele, huno a ri, "Wone...Na wone nwando u nga si we u swika ndi tshi u vhidza."

²³ Mudzimu ri nee vhanna vha u ralo, ni a vhona, vhanna vha no ñivha zwine vha khou ita nga U RALO MURENA.

²⁴ Zwino, ri a wanulusa zwauri a sa athu ita izwi, Mudzimu o mu vhidza. Mudzimu o vha o no amba nae huno, ngauralo-ha, o vha a sa ofhi tshinwe tshithu. O vha a sa ofhi mulaedza wawe, zwo vha zwi si nga bveleli; o zwi ñivha uri zwi do bvelela! O zwi ñivha uri zwo vha zwi u ya nga Ipfi la Murena, nahone o zwi ñivha zwauri o vha e muporofita wa Mudzimu wa awara. Ngauralo-ha uri kana khosi i do tumula thoho yawe, ya mu posela dzhele, tshinwe na tshinwe tshe vha vha vha tshi do tshi ita, a zwo ngo ita phambano khae; o vha e na ndaela, "U RALO MURENA," henefho o livhana na tshifhađuwo tsha khosi. Ndi muthu a hwasaho hani nandi! Fhedzi a sa athu ita izwi, o bvumba nga ha ili gomelelo ljhulwane...

²⁵ Ngauri Mudzimu a nga si litshe u phanisha tshivhi. Hu fanela u vha na phanishimennde. Naa mulayo u farisani u si na pha—phanishimennde? Naa zwi do farisani, u ri, "zwi hanedzana na mulayo u pfuka tshedza," huno hu si na mulifho wazwo, kana hu si na phanishimennde yazwo? U nga si vhe mulayo. Ngauralo hu na phanishimennde kha tshivhi. Huno musi Mudzimu a tshi ita mulayo, huno uyo mulayo—mulayo u tshi nyadziwa, zwenezwo hu tea u vha na phanishimennde ya hezwo.

²⁶ Huno ulu lushaka lwo no vunda milayo Yawe yothe. Oo, vho vha vhe na tshividzo tshihulu, vho vha vhe na thembele. Vho vha vhe na vhanna vhanzhi vho funzeaho. Vho vha vhe na vhaporofita hothe-hothe shangoni, vho vha vhe na zwikolo zwavho, vha tshi vha shandukisa vhunga mutshini. Huno vho vha vhe na vhaporofita vhanzhi, vho vha vhe na vhunzhi ha—ha vhotshifhe, vho vha vhe na vha maiwalo vhanzhi, nahone vhe na vhunzhi ha vhurereli, fhedzi vho vha vhe kule na Ipfi la Mudzimu. Ngauralo Mudzimu o vhidza munna a re nnđa ha maimo avho, huno a mu ruma e na U RALO MURENA.

²⁷ Huno dzhielani nzhele uri U londa hani Vha Ene muñe. Musi A sa athu ruma uyu muporofita e na mulaedza, O ri, “Eliya, tsela fhasi huno u vhudze Khosi Ahaba izwi zwithu. Huno zwino, musi u tshi ralo, tutshela kule hawe nga u t̄avhanyedza, ngauri Ndo u itela fhethū hune wa do ya hone musi hu na gomelelo. Ndi khou yo u londa, Eliya, arali u tshi rera fhedzi Ipfi Łanga, u tshi ita fhedzi zwine Nda u vhudza uri u zwi ite.”

²⁸ Zwino ndi khou yo fanyisa uyu mushumo muhulwane, madekwana a namusi, wa Eliya na tshifhinga tsha Eliya, na awara ine ra vha khayo zwino. Ndi tenda uri Ndi tshifanyiso tsho fhelelaho. Ndi elekanya nga ha dzitshaka... arali ndo... ro vha ri na tshifhinga tsha u ya murahu, fhedzi ndi ḥoda u vhea tshifhinga tshinzhi kha muduba wa thabelo.

²⁹ Ngauralo arali ro vha ri tshi nga ya murahu huno ra vhona, Israele yo dzhia Palestina kha theo yeneyo nthihi ye ra dzhia ili United States. Ri da ngomu kha ili United States huno ra pandela vhadzuli, vhe vha vha vhe Vhaindia, huno ra dzhia shango. Huno ngauralo Israele yo da ngomu ha Palestina, fhasi ha vhurangaphanda ha Yoshua, fhasi ha Mudzimu, huno vha pandela vhadzuli huno vha dzhia shango.

³⁰ Huno khosi dzavho dza u thoma dzo vha dzi vhanna vha maanda; Dafita, Salomo, na munna muhulwane. Vhaphuresidennde vhashu vha u thoma vho vha vhe vhanna vhahulwane; Washington, Lincoln, na vhaīwe-vho. Zwenezwo mafhedziseloni vhaphuresidennde kana dzikhosi dici tshi khou sina lwo engedzeaho tshifhinga tshothe, huno mafhedziseloni vha guma nga uyu Ahaba. Ndi tshifanyiso tshenetsho, tshi no fanyisa duvha lashu. Huno vhathu vho vha vho no vha vha musalauno nga maanda lwe vha si ḥode u pfa Ipfi la Murena la ngoho.

³¹ Huno inwi ni nga kona u humbulela, kha vhathu vha musalauno nga u ralo, zwine mulanda wa ngoho wa vhukuma wa Mudzimu a do pfalisa zwone khavho. “Mulandu, o vha a tshi penga, o vha a si tsheeho thalukanyoni yawe. A ho ngo vha na tshithu tsha u ralo.” Vho vha vhe vha vhurereli, vha vhurereli nga maanda. Vho vha vhe na vhanna vha fulufhedzeaho, vho vha vhe na vhathu vha fulufhedzeaho. Vho vha vhe vha vhurereli nga maanda.

³² Ngauralo o zwi divha uri zwi do dzhia zwi fhiraho theolodzhi zwayo fhedzi, zwi do dzhia two engedzeaho zwi fhiraho—fhiraho muñwe mulaedza zwawo, zwi do dzhia two engedzeaho zwi fhiraho u rera fhedzi Ipfi, u baleisa mbilu dzavho dza matombo. O zwi divha zwauri two dzhia U RALO MURENA u rumela iyo khaṭhulo fhasi kha avho vhatnu, ngauralo o zwi divha izwo musi o bva na U RALO MURENA. Huno two vha zwi U RALO MURENA. U lamba Ilo, ho vha hu khaṭhulo. Ri a zwi vhona izwo kha duvha lashu, na riñe-vho. Ri a zwi vhona izwo kha liñwe duvha-vho. A hu na tshithu tsho salaho nga nn̄da ha khaṭhulo musi ni tshi pfuka mutalo wa khathutshelo.

³³ Zwino, itsho tshifanyiso heneffo, tshenetsho, ndi khou yo fanyisa Eliya na tshivhidzo namusi, tshivhidzo tsha namusi. Zwenezwo khatulo i sa athu swika, a tanganedza uyu mulaedza. Eliya, o imela, u vha a londiwaho kha zwa mvelo, zwiliwa zwawe zwa mvelo, ngauri yo vha i sa khou yo na zwino, u ya nga Ipfi la Mudzimu, lwa miwaha miraru na miwedzi ya rathi, kana u swika Eliya o no i vhidza. “Tshifhinga tshiñwe na tshiñwe tshire na amba, Eliya, itsho ndi tshire tsha do vha tshore.” Ngauralo-ha a tshimbila a ya ha khosi, huno a ri, “A hu nga do vha na ñwando u waho u swika ndi tshi u vhidza.” Uyo ndi mu—muhwalo tshothe, naa a si zwone? Uyo wo vha u mulaedza tshothe!

³⁴ Huno zwino ri khou yo fanyisa izwo na gomelelo la muya la namusi. Zwino, rothe ri a zwi divha, ri a zwi divha nga maanda, zwauri hu na gomelelo la muya lihulwane shangoni namusi, ri tshi amba nga lwa muya. Huno, ni a divha, izwo zwo bvumbiwa nga vhaporofita, zwenezwo U Da ha vhuvhili ha Kristo hu sa athu vha hone, u ri, “Hu do da ndala shangoni, huno a i nga vhi ya tshinnkwa fhedzi, fhedzi ya u pfa Ipfi la Mudzimu.” Huno ilo duvha ndi zwino, “u pfa Ipfi la Mudzimu la ngoho.” Zwino, iyi i fanyisa gomelelo la mvelo na la muya.

³⁵ Tshivhi na u sa tenda, nga vhadededzi vha khole-khole na vha musalauno tshivhidzoni, zwo disa fhethu kha iyi khatulo i daho, i no khou da. Zwenezwo vho no furalela Ipfi la Mudzimu na muporofita Wawe, vha ya kha mathemu a theolodzhi a musalauno a Ipfi.

³⁶ Inwi ni a dzhiela nzhele hafha, ndi nga tshenetsho tshifhinga fhedzi tshire Mudzimu tshifhinga tshothe a bveledza tshiñwe tshithu. Ngauri, Ene, tshifhinga tshothe, Ha iti tshithu u swika A tshi tshi dzumbulula kha vhatu u thoma, huno Ene tshifhinga tshothe u tshi dzumbulula nga vhalanda Vhawé.

³⁷ Zwino, fhedzi Eliya, nga itsi tshifhinga, o vha e na fhethu ha tshidzumbe he Mudzimu a vha o mu odeinela uri a ye hone. Itsho ndi tshore tshithu tshire ra toda u tshi vhona zwino zwenezwo ri sa athu vha na muduba wa thabelo. Eliya o vha e na fhethu ha tshidzumbe ho netshedzwaho nga Mudzimu Ene muñ. Zwino, tshivhidzo na kathihi a tsho ngo mu netshedza hone, khosi na kathihi a yo ngo mu netshedza hone, ho ngo dinetshedza hone, fhedzi Mudzimu o netshedza Eliya fhethu ha tshidzumbe uri a kanzwiwe tshifhinga tshothe musi hu na gomelelo, he zwiliwa zwawe zwa netshedzwa duvha na duvha. Ho ngo vha na thodea ya u mangala uri hu khou yo bvelelani matshelo kana u mangala arali ndisedzo ya fhela. Mudzimu o ri, “Ndo laya mahunguvhu huno a do u kanzwa.” Ndi tshithu tshi mangadzaho-de, tshifanyiso tsha fhethu hashu ha tshidzumbe kha Kristo.

³⁸ Musi khorø ya shango na zwe the zwi no khou bvela phanda namusi, zwi no ri, “Maduvha a madembe o fhira.” Maanda mahulwane a Mudzimu o bviswa zwivhidzoni. Zwi vhonala zwi

tshi nga, a zwi tsha vha, a zwi na tshithu nga nn̄da ha “tsimbi i lilaho na ngoma i b̄vumaho.” Ri ḋivha izwo uri nd̄i ngoho. “Huno tshifanyiso tsha u ofha Mudzimu, na u landula Maanda aho.”

³⁹ Zwi tou vha zwenezwo zwithihi zwe Dafita a ita, matsheloni ano, nga gariki dza phulu, a ṭutshela kule ha Ipfi. Musi Ipfi li tshi ḙekedzwa huno la ḡnewa vhone, a vho ngo Li ḡtoda; ngauralo-ha, vho vha vho no ṭutshela kule Hało.

⁴⁰ Izwo ndi zwe avha vhathu vha ita mađuvhani a Eliya, vho ṭutshela kule ha Ipfi. Vho elekanya zwauri vha na Ipfi, fhedzi vho vha si Nało. Ngauralo dzhielani nzhele-ha kha . . .

⁴¹ Kha tshifhinga tshe A vha a tshi khou yo phanisha a sa tendi, O itela mutendi nd̄ila. Zwenezwo zwithihi U a zwi ita tshifhinga tshińwe na tshińwe. Mađuvhani a musi A tshi khou yo tshinyadza shango nga madi, O itela Noaxe nd̄ila ya u ponya. Mađuvhani a musi A tshi khou yo nwelisa khothe Egipita, O ita nd̄ila ya u ponya u buđekanya lwanzhe u itela vhathu Vhawe. Nd̄ila ine Mudzimu a ita nd̄ila Yawe! Huno hune ha sa vhe na nd̄ila, Ene ndi iyo Nd̄ila. Ene ndi iyo Nd̄ila!

⁴² Zwino ri a limuha uri ro livhana na dzińwe . . . inwe ya awara khulwanesa dze ḋivhazwakale ya vhuya ya dzi ḋivha. A i tou vha tshińhavhani tshi re na musevhe u penyaho, u re na thoho khawo, une ra tea u u ofha. Ndi zwivhidzo zwine ra tea u zwi ofha. Ndi awara ine ra tshila khayo ine ra tea u i sedzesza.

⁴³ Zwino dzhielani nzhele, fhedzi Mudzimu o itela Eliya nd̄ila ya u zwi ponya. Huno O itela vhana vha tendaho Vhawe nd̄ila ya u zwi ponya zwino, mbiti na zwithu zwi no do da.

⁴⁴ Ngauri, Mudzimu o vha a si nga vhi o lugaho kha u haṭula avho vhathu huno a vha rumela kha phanishimennde, huno a ḡnupelisa Sodoma na Gomora, huno a ḡnupelisa Kapernaume vhukati ha lwanzhe, huno a haṭula iyo mirafho, na Sodoma na Gomora, huno zwenezwo a ri tendela u ita zwenezwo zwithihi huno ra sa itwe tshithu. Ri tou vha na ngoho ya khaṭhulo vhunga vhone vho vha vhe na ngoho ya khaṭhulo. Zwino ri dzhiełani nzhele uri . . .

⁴⁵ Musi izwi zwithu zwi tshi bvelela, nđowelo ya musalauno ya iļo ḋuvha, Mudzimu o vusa munna nga iļo ḋuvha, kana a vusa munna, kha ndi ralo, u lwa na dzimmbi, huno vha sa mu thetshelese. Vho elekanya zwauri u a penga, “O xelelwa nga thalukanyo yawe. O vha a tshi tou vha muńwe wa vhusweeli ho kalulaho wa kale, tsilu li bvaho sogani, a tshi nga o pengiswa nga zwiṭaka.” Fhedzi, naho zwo ralo, o vha e na Ipfi la Murena.

⁴⁶ “Ipfi a li khou amba zwine La amba,” vha a amba ḡnamusi. “Oo, zwo luga, Bivhili ndi bugu ya ḋivhazwakale.” Ndi a humbulela uri izwi no no zwi vhona, zwauri zwino vha a amba, zwauri, “Efa ho ngo la apula, o la . . .” Naa ho vha hu mini? Ndi a tenda . . . “Ho vha hu apulakoswo,” vha a amba zwino. “Ho vha hu apulakoswo.” Huno zwenezwo,

izwo, "Mushe na kathihi ho ngo vhuya a disa vhana nga kha Lwanzhe Lutswuku. Ho vha hu dzanda lihulu la thanga, n̄ha kha līnwe sia la ulwo lwanzhe, huno o fhira nga kha lwanzhe lwa thanga." Zwenezwo mad̄i, m-a-d-i, o ita hani luvhondo matungoni othe; vho fhira nga kha shango lo omaho, zwenezwo? Oo, vhuṭafuṭafu ho raloho! Fhedzi, inwi ni a vhona, zwi dzhia lushaka lwonolwo lwa duvha u disa mbiti dza Mudzimu fhasi kha vhathu. Lu a zwi ita.

⁴⁷ Vha ri a hu na tshithu tsho raloho tshi no nga—tshi no nga aya... Na vhathu vha tshivhidzo a vha tendi kha madembe. "Ndi do ni nea dolara dza tshigidi," vha ri, "ntsumbedzeni dembe. Ntsumbedzeni dembe!" Zwo ralo, vho kundelwa u zwi vhona arali ho vha hu na zwithu zwa zwigidi zwa fumi zwo itwaho phanda havho. Mulandu, vhone, vhone vho vha vha si nga zwi vhoni na kathihi.

Inwi ni ri, "Izwo a zwi konadzei." Oo, hai, a si zwone.

⁴⁸ Eliya nga tshinwe tshifhinga o vha e ngei fhasi Dothani, huno mmbi ya Siria yo do da huno ya tanga mud̄i, u mu dzhia, ngauri vho zwi divha zwauri afho ndi he ma—maanda a lushaka a vha e hone, e kha uyo muvhoni. Mulandu, khosi... Muñwe wa vhanna o vhudza khosi ya Siria, a ri, "Mulandu, u a divha, muporofita Eliya, wa Tisibe, u vhudza khosi ya Israele zwine wa amba nga hazwo pfamoni yau ya tshidzumbe."

⁴⁹ Ha pfi, "Iya u wane uyo munna! Uyo ndi ene muthu a no khou ri thithisa." Huno mmbi ya Siria yothe ya nangavhedza ngomu u mona na Dothani. Vhothe vho vha vhe u mona naho hothe.

⁵⁰ Huno Gehasi, mu—mulanda wa muporofita, a karuwa, huno a ri, "Oo, khotsi anga, mmbi dzi u mona hothe na riñe. Ro tingeledzwa tshothe."

⁵¹ A ri, "Mulandu, hu na vho engedzeaho vha re na riñe u fhira vha re navho." Ni a vhona?

Huno Gehasi a sedza u mona hothe, a ri, "A thi vhoni muthu."

⁵² A ri, "Murena Mudzimu, vula maño a uyo mutukana." Huno maño awe a vulea, huno mivhundu yothe yo vha yo dala Vharunwa na dzigoloi vho dzula u mona hothe, Mmbi dzi sa vhonwi.

⁵³ Eliya a bva heneffo, huno Bivhili yo ri, "A vha rwa vha pofula." A bva a ya khavho; vho vha vho pofula khae. A bva huno a ri, "Naa ni khou ḥoda Eliya?"

A ri, "Ee, ri khou ḥoda ene."

⁵⁴ Ha pfi, "Idani, ndi do ni vhudza heneffo hune a vha hone," huno a vha ranga phanda vha ya heneffo ndaleloni, vha livha heneffo he mmbi dza bva hone huno dza vha wana.

⁵⁵ Zwino, Bivhili yo ri, "O vha rwa vha pofula." Izwo zwi a li ladza. Huno vhathu vho pofula nga maanda muyani qamusi, naho Murena Mudzimu a tshi tsela fhasi vhukati ha vhathu

huno a ita tshiñwe tshithu, na zwithu zwe A fulufhedzisa, vha kha di vha vha sa Zwi vholi. Vho pofula lwa maya; a vha divhi Mudzimu, a vha divhi Maanda Awe mahulwane. Zwino, ri dzhiela nzhele uri izwo vho zwi ita mađuvhani a Eliya, huno vha kha di zwi ita ñamusi. Mudzimu u a vha rwa vha pofula. Vha a amba ñamusi, uri, “A hu na madembe, a hu na tshithu tsho raloho, hezwi zweþhe ndi munyanyuwo.”

⁵⁶ Huno vho amba zwenezwo zwithihi nga ha Eliya, ngauri musi a tshi dzhiwa a iswa ntha huno Elisha a dzhia fhethu hawe, muþhannga, a vha na phanda, muswa, vhana vha bva vha gidima murahu hawe, huno vha ri, “Oo ralupandane wa kale, naa ndi ngani u songo gonya na Eliya?” Ni a vhona, a vho ngo vhuya vha Li tenda ngei u rangani, vhathu, nga murahu ha musi zwithu zwinzhi nga maanda zwo no itwa. Huno uyu munna muhulwane wa Mudzimu o shandukiselwa ngomu Taðulu nga goloi ya mulilo, huno vhathu naho zwo ralo a vho ngo Li tenda. Huno vha ita uri vhana vhavho vhaþuku vha gidimele murahu ha uyu munna huno vha ri, “Ralupandane wa kale, ndi ngani u songo gonya?” Ni a vhona? Huno zwenezwo muporofita a sema avho vhana, tshivhingwi tsha musadzi tsha vhulaha vha mahumi maña na vhavhili vhavho.

⁵⁷ Zwino dzhielani nzhele. Ñamusi, sa zwe zwa vha zwi zwone tshifhingani itszo, vha vhea þhalutshedzo ya vhone vhañe kha Ipfi. Zwino, arali vha tshi toða u ita hezwo, izwo zwi kha vhone, fhedzi vha lingedza uri ita uri ri zwi tende. Bivhili yo amba zwauri, “Ili Ipfi la Mudzimu a si la þhalutshedzo yo dzumbetshedzwaño.” Mudzimu u ita þhalutshedzo Ya Ene muñe. Mudzimu u khwaþhisra Ipfi Lawe, huno iyo ndi þhalutshedzo Yaþo. Vhunga nñe zwifhinga zwinzhi ndo amba, O amba ngei u rangani, “Kha hu vhe na tshedza,” huno ha vha na tshedza. Izwo a zwi toði u þalutshedzwa; zwo bvelela. O ri, “Musidzana u do dihwala,” a ralo. O ri U do “shulula Muya Wawe,” A ralo. Huno A ri, “mađuvhani a u fhedzisela,” zwithu zwine A do ita, huno U khou zwi ita! A Li toði inwe þhalutshedzo-vho; Mudzimu u khou ita þhalutshedzo Ya Ene muñe. A hu londwi zwine munna o tsilufhalaho a nga zwi amba, izwo a zwi imisi Mudzimu na zwiþkuþuku.

⁵⁸ Musi Yesu o vha e kha liphasi, O vha na u lwa na u sa tenda huhulu hune ha lingana na hune riñe ra vha naho ñamusi, nahone khamusi ho engedzeaho. Fhedzi a zwo ngo Mu imisa; O bvela phanda na u shuma na u ita mushumo Wawe, nahone Mudzimu a tshi khou khwaþhisra tshiñwe na tshiñwe tshe A ita. A ri, “Nñe a thi Ndoþhe. Khotsi Anga na Nñe ri muthihi; U dzula kha Nñe. A si Nñe a no ita mishumo, ndi Khotsi a dzulaho kha Nñe. Huno arali Ndi sa iti mishumo Yawe, zwenezwo ni songo Ntenda; fhedzi arali Ndi tshi ita mishumo huno naho zwo ralo ni sa koni u Ntenda, tendani mishumo.” Ni a vhona? Nga mañwe maipfi, vha... “Fhendani Mañwalo,” A ri, “ngauri afho ndi

hone hune na elekanya uri ni na Vhutshilo Vhu Sa Fheli, ndi nga u divha Mañwalo. Huno Mañwalo, One aŋe, a N̄tanzielela.” Amene! Ndi tshitatamennde-de nandi! “Ayo ndi one, Mañwalo, a no ni vhudza uri N̄ne ndi Nnyi,” Yesu o amba.

⁵⁹ Huno ndi Mañwalo a no ni vhudza awara ine ra khou tshila khayo. Huno zwithu zwine na zwi vhona zwi tshi itwa, ndi Mudzimu Ene muŋe vhukati ha vhathe Vhawhe. A hu na tshithu tshine tshi nga vusa vhafu nga nn̄da ha Mudzimu. A hu na tshithu tshine tshi nga ita zwithu zwine A khou ita zwino nga nn̄da ha Ene. Ngauri Bivhili yo ri, “Ha shanduki mulovha, ñamusi, na lini na lini.”

⁶⁰ Zwino ri a vhona iyo ndowelo ya musalauno ya vhathe, zwenezwo, “Oo, mađuvha o fhira, a hu na tshithu tsho raloho sa mađembe. Vhathe vhothe vho sokou nyanyulea.”

⁶¹ Thetshelesani uyo Eliya, muporofita, a tshi vha ṭavhela mukosi na vhoratheolodzhi vhavho. Dzhielani nzhele, dzhielani nzhele, o amba a tshi nga o vha e Mudzimu Ene muŋe. Eliya o amba a tshi nga o vha e Mudzimu Ene mune, “Nwando a u nga wi u tshi bva ṭaqulu u swika ndi tshi u vhidza.” Amene! Ee, muŋe wanga. Muporofita o fhedza tshifhinga tshilapfu e Vhuhoneni ha Mudzimu!

⁶² Vhaporofita vha Testamente Ndala, kana nga tshiñwe tshifhinga-vho, musi vha tshi tshila Vhuhoneni ha Mudzimu u swika vha tshi vha Ipfī, Mulaedza wavho ndi Ipfī Lone line. Huno, elelwani, o ri, “U RALO MURENA.” Huno musi avho vhanna vho vha vhe na iyo milaedza i bvaho ha Mudzimu, huno vha tshi vha vho putelwaho nga maanda lune kuelekanye kwa vhone vhaŋe... Li nga di vha lo vha li tshi hanedzana na kuelekanye kwavho, vha nga di vha vho vha vha songo kona u—u zwi vhona nga ndila yone. Fhedzi vho vha vha tshi amba Ipfī la Mudzimu, “U RALO MURENA.”

⁶³ “A hu nga vhi na iñwe mvula-vho u swika ndi tshi i vhidza.” Oo, ndi tshitatamennde-de! O vha e Vhuhoneni ha Mudzimu nahone o khwathisedzwa nga ndila yo fhelelaho nga maanda. Huno, elelwani, izwo na zwone zwi tevhela Amosi 3:7, “Murena Mudzimu a nga si do ita tshithu u swika A tshi thoma a zwi dzumbulula kha vhalanda Vhawhe vhaporofita.” Ha pfi, “A hu nga do vha na iñwe mvula i naho!” U thoma...

⁶⁴ Vho mu sea, vho elekanya uri u a penga, “Uyo wa vhusweleli ho kalulaho!” Fhedzi, ni a vhona, o vha e na U RALO MURENA ya uri a i khou yo na. Huno, Mudzimu, a sa athu ita hezwo, O zwi dzumbulula kha Eliya mulanda Wawhe. Huno o vha e muporofita o khwathisedzwaho, o sumbedzwaho, ngauralo vhathe vho vha vho tea u vha vho shanduka. Fhedzi, vhudzuloni ha hezwo, vho mu sea, vha ri, “Oo, ri na mvula nn̄zhi! Madamu o dala. Milambo i khou elela zwavhudī.”

⁶⁵ Bivhili yo amba zwauri, “Ho vha hu si na na riwando lwa miňwaha miraru na miňwedzi ya rathi.” Milambo yothe na madi zwa xa, huriwe na huriwe. Uyo o vha e si uyo munna, uyo o vha e Mudzimu a no khou amba nga kha uyo munna. Uyo o vha e “Nñe” we a vha e ene. Riñe tshifhinga tshothe ri a ñivha. Ngauralo o . . .

⁶⁶ Ri a wanulusa uri musi munna a tshi da, o ruňwa a tshi bva Mudzimuni, o odeiniwa nga Mudzimu, e na U RALO MURENA ya ngoho, mulaedza na muđinda ndi zwithihi nahone zwi a fana. Ngauri o rumelwa u imela U RALO MURENA, Ipfi nga Ipfi, ngauralo ene na mulaedza wawe zwi a fana.

⁶⁷ Munna wa dinomineisheni a re fhasi ha ndango ya dinomineisheni, ene na tshivhidzo ndi “tshithihi.” Ratheolodzhi fhasi ha theolodzhi, yo itwaho nga iňwe dinomineisheni, ene na mulaedza wawe ndi zwithihi; tshivhidzo tsha theolodzhi, ratheolodzhi. Ndi zwone ndila yone.

⁶⁸ Zwenezwo musi munna a tshi da na U RALO MURENA, ene na Mulaedza ndi zwithihi. Huno musi Eliya a tshi da na U RALO MURENA, ene na mulaedza wawe zwi vha zwithihi. U tou fana na Yesu, musi A tshi da, O vha e Ipfi, Yohane Mukhethwa 1. Ngauralo Ipfi la Mudzimu na muđinda wa tshikhathi zwo vha zwi tshithu tshenetsho tshithihi, tshifhinga tshothe. Izwo ndi zwone.

⁶⁹ Yesu o vha e Ipfi le la porofitiwa. O vha e zwe vhaporofita vha amba uri zwi do bvelela, “Musidzana u do dihwala huno a beba uyu Nwana.” Murahurahu ngei u rangani, Mudzimu o vha vhudza, a ri, “Mbeu ya musadzi i do pwasha thoho ya ñowa, huno i do luma tshirethe tshawe.” Izwi zwiporofito zwothe zwo ñewa. Dafita a tshi khou lila, vhaňwe vhaporofita vhothe u tsa fhasi na zwikhathi, vha tshi khou amba nga Hae. O vha e ilo Ipfi lo vhonadzwaho! Haleluya!

⁷⁰ Zwino ni a vhona hune npe nda khou lingedza u swika hone? Ndo amba na vhoiñwi zwi khagala nga maanda matsheloni a ñamusi. Naa a ni vhoiñwi maanda a Mudzimu a tshilaho Tshivhidzoni tshi tshilaho, Muselwa? Vhalwadze vha a fhodzwa, vhafu vha a vuswa, vhabolefhalu vha a tshimbila, mabofu a a vhona, Mafhungo-madiñha a khou tshimbila nga maanda Ao, ngauri Mulaedza na muđinda vha a fana. Ipfi li kha Tshivhidzo, kha muthu.

⁷¹ Ipfi la Mudzimu lo vha li kha Eliya musi a tshi tshimbila heneho ñtha e na U RALO MURENA, huno a ri, “A i khou yo na.” Uyo o vha e si Eliya; uyo o vha e Mudzimu kha Eliya.

⁷² Ndo amba zwifhinga zwinzhi, vhunga mufumakadzi wa Saintsí ya Vhukriste we a mmbudza nga tshiňwe tshifhinga. Ndo no amba nga hazwo zwifhinga zwinzhi. O ri, “Vho-Branham, vha zuwesa nga maandesa nga ha Yesu.”

Nda ri, “Ndi a fhulufhela uri itsho ndi tshone tshithu fhedzi tshire nda tea u tshi fhindulela.”

Huno a ri, "Inwi ni lingedza u Mu ita Mudzimu."

Nda ri, "O vha e Mudzimu."

⁷³ Ha pfi, "Oo, O vha e muporofita, O vha e munna wavhuđi, fhedzi O vha e si Mudzimu."

⁷⁴ Huno nda ri, "Zwo ralo, ntsumbedzeni Luñwalo luthihi lune lwa ri O vha e si ene."

⁷⁵ A ri, "Kha Bugu ya Yohane Mukhethwa, i amba zwauri O 'tswimila' musi O ya kha tshalo tsha Lazaro."

⁷⁶ "Zwo ralo," nda ri, "ngoho, O tswimila. O vha e muthu na Mudzimu vhuvhili hazwo. O vha e munna, a tshi khou tswimila; fhedzi O do tea u vha Mudzimu uri a vuse vhafu." Ndi zwone. Nda ri, "O vha e munna, o farwa nga ndala; fhedzi O vha e Mudzimu a tshi khou kanzwa vha zwigidi zwičanu, nga makokisi a si gathi na khovhe thanu." Izwo ndi zwone. "O vha e munna, o edela murahu ha gungwa; fhedzi ho vha hu Mudzimu Khae we a kona u dzikisa mađi." Ngauri mulandu? Ene na Mulaedza Wawe vho vha vhe vhathihhi.

⁷⁷ O ri, "Nqe na Khotsi Anga ri vhathihhi. Khotsi Anga u dzula kha Nqe." O vha e u khunyelela ha Vhumudzimu muvhilini.

⁷⁸ Ndi elekanya uri zwo vha zwi tshi khou mangadza nga maanda liñwe duvha, musi ndo vha ndi tshi khou disa *Zwikhathi Zwa Sumbe Zwa Tshividzo*. U thomani, a—a tho ngo kona u pfesesa Yesu o ima heneħħala e na idzo... e na iyo tshena Khae nga u ralo, a ri, "Mavhudzi Awe o vha o tshena sa wuļu." Ndo kundelwa u pfesesa uri munna a re na miňwaha ya mahumi mararu na miraru a nga tshena hani sa mahada.

⁷⁹ Nda vhidza ratheolodzhi wavhuđi, ratheolodzhi wa Pentekoste, khonani yavhuđi i funwaho. Zwo luga, ho vha hu Mukomana Jack Moore. Ndi munna o thanyaho, wa vhučali. A ri, "Mukomana Branham, uyo o vha e Yesu o newaho vhugala. Izwo ndi zwe A vhonala e zwone nga murahu ha musi O no newa vhugala." Hai, ndo kundelwa u tenda hezwo. Hai.

Nda—nda—nda ri, "Zwo luga, Mukomana Moore, ndi a ni livhuwa."

⁸⁰ Nda dzhena lufherani heneħho huno nda thoma u amba na Mudzimu. Nda vula khonkhodensi yanga u Mu isa murahu kha Daniele, he ya ri, "Huno a da kha Wa Kale wa Mađuvha We mavhudzi awe a vha o tshena sa wuļu." Nda ri, "Murena, a—a—a thi diħvi zwine ndi nga amba, huno ndi na vhuđifhinduleli." Zwino, izwo ho vha hu sa athu vha na a su...huno elelwani, Mapfundo a Sumbe a sa athu pfuñululwa, hu tshi tħoda u fhela īnwaha kana yo engedzeaho, u rangani. Ndo vha ndi tshi khou rabela heneħho, "Murena, naa ho vha hu mini?"

⁸¹ Huno nda sedza, o imaho phanda hanga, huno heneħho ho vha ho ima munna nahone e muhačuli, huno o vha o ambara

wigi tshena. Vhahaṭuli vha kale vha mađuvha a kale vho vha vha tshi anzela u ambara wigi tshena u sumbedza uri yo vha i ndango khulwane.

⁸² Huno zwenezwo musi ndo vhona Yesu e na wigi tshena, nda ri i khwaṭhisizedza fhedzi ngoho ine ra i ḋivha, ya uri Ene ndi Ndango Khulwane. Mudzimu o tanziela zwenezwo zwithihi kha Thavha Ya Phenyiso, a ri, “Uyu ndi Murwa mufunwa Wanga, Mu pfeni, Ndango Khulwane!”

⁸³ Zwenezwo murahu ngei nn̄da ngei u rangani ha Mapfundo a Sumbe, musi avho Vharuňwa vha sumbe vha tshi tsela fhasi nga tshivhumbeo tsha phiramidi, ndo ima heneffo huno a mmbudza uri ndi humele ngeno murahu huno ndi ambe nga ha ayo Mapfundo a Sumbe, huno U do vha na nne, U do ntsumbedza zwe a vha e zwone, zwithu zwo xelaho. Nne tshifhinga tshothe ndo elekanya uri ho vha ho shatelwa murahu ha Bugu huno hu do vha tshiňwe tshithu tshe tsha vha tshi songo űwaliwa Buguni, fhedzi zwo fheleledza ngauri zwa ḋivhadzwa uri A nga si kone u ita hezwo. A si tshiňwe tshithu tsho űwaliwaho Buguni. . . Ndi tshiňwe tshithu tsho dzumbiwaho Buguni. “Ngauri ane a do tusa Ipfi lithihi Khalo kana a engedza nga ipfi lithihi Khalo. . .” Ngauralo ndi tshiphiri tshe tsha vha Buguni kha izwi zwikhathi zwa sumbe zwa tshivhidzo. Liňwe na liňwe lao lo bveledza tshi-tshiphiri, zwothe nga ha ndovhedzo ya madini na izwi zwiňwe zwithu zwothe zwe vha zwi khakha lwa tshifhinga tshilapfu nga maanda.

⁸⁴ Zwenezwo musi iyo i tshi ya n̄tha, zwifhaṭo zwa vhusedzi zwiħulu u bva ngei kule fhasi ngei California, thwii u tsa fhasi ngei Mexico, nga n̄tha ha Tucson, huňwe na huňwe, zwi tshi dzhia tshifanyiso Tshayo. Yo vha i mbono i mangadzaho. Mukomana Fred Sothmann heneffo, o dzulaho henengei murahu heneffo, huno nne na Mukomana Gene Norman, ro ima heneffo ri hone musi ĩ tshi ya n̄tha. Vho dzhia tshifanyiso, naho zwo ralo a vha ḋivhi uri mini nga hatsho. Fhano nga tshiňwe tshifhinga tsho fhiraho, muiwe na muiwe a tshi khou ri, “Sedzani hafha. Itshi tshi fana na itshi, na idzo phapha dza Vharuňwa, nga ndila ye dza petwa ngomu heneffo.”

⁸⁵ Liňwe ḋuvha, ndi tshi tshi rembulusela kha tsha u la, ndo sedza, heneffo ho vha hu na Yesu Kristo o tou fhelela vhunga Hofmann o vhuya a Mu ola. O vha o ima heneffo o ambara wigi tshena, o sedza murahu fhasi u yela kha lifhasi, a tshi sumbedza uri ndi Ene Ndango Khulwane. Maṭadulu a a zwi ḥanzilela, Bivhili i a zwi ḥanzilela, Mulaedza u a zwi ḥanzilela, u tou fana. Ndango Khulwane, o ambara wigi tshena; ni a vhona ndebvu Dzawe ntswu fhasi. Vhanzhi vhanu no vhona itsho tshifanyiso. Ri natsho hangei murahu. Itonu tshi rembulusela kha tsha u la, nga thungo, tshi sedzeni. Heneffo U hone, tsho tou fhelela sa zwe tsha vha tshi zwone, arali O vha o fodiwa. Vha khou tshi sedza nga sia lo khakheaho. Inwi ni tea u tshi sedza nga

sia li re lone. Huno Murena Mudzimu fhedzi ndiene a nge dzumbulula uri ndi liphio sia la tsha u la. Tshi rembuluseleni kha tsha u la tshanu huno ni tshi sedze. Heneffo U hone, u tou vha o fhelelaho, arali tsho vha tsho fodiwa ngei nthia.

⁸⁶ Ndi lwa u thoma lwe nda vhuya nda Mu vhona, O vhonala a tshi nga *Thoho ya...* Hofmann. Na kathihi itsho a thi athu tshi vhona. Huno thaberakenakeleni ya Billy Sunday, nga murahu ha miñwaha, ndo i vhona. Ndú yanga na kathihi a i athu vha i si na tshinwe tsha zwifanyiso u bva tsheetsho.

⁸⁷ Zwenezwo, hafha lutomboni, ndi tshi ri Mudzimu onoyo we nda mu vhona nthia kha ili bono ngeno nnda, ndi tshi tou vha mutukana muñuku ngeno nnda tsini na hune iyi nndu ya tshikolo ya ima hone, O vhonala o ralo. Huno hafha kha Mañadulu, nga murahu ha miñwaha ya mahumi mararu na miraru, hu a tanzilela, uri ndi ngoho. Iyo ndi ndila ine A vhonala; hu si tshinwe tshithu tshi mangadzaho tsha muhumbulo wa muñwe muthu.

⁸⁸ Vhunga ngei Vatican, vha na ene—ene—ene Kristo o oliwaho hangei, e na rinngi thukhu tshena ya ndebvu kana rinngi ya ndebvu u mona na tshiñefu Tshawe, i ḥodaho u vha hafu ya intshi nga vhulapfu, i gidima heneffo u mona na nga nthia ha mulomo Wawe nahone nga ndila *iyi*, huno na vhidza uyo ene Kristo.

⁸⁹ Izwo zwi tou nkhumbudza muoli wa Mugerika we nda mu vhona nga tshinwe tshifhinga kha kereke khulu ya kale, a tshi khou sumbedza zwe Adamu na Efa vha vha vha tshi vhonala vhe zwone; vho vhonala vha tshi nga zwivhanda kana tshinwe tshithu. Itsho ndi tshire ḥhalukanyo ya ḥama i nga kona u vhona tshinwe tshithu tsha maya. Ndi elekanya uri Adamu o vha e munna o vhumbeaho zwavhudzi nga maändesa we a vhuya a tshila, huno Efa o vha e musadzi o fhelelaho nga ndila dzothe.

⁹⁰ Zwino ḥhalukanyo dza ḥama dzi putela itsho Tshithu kha mihumbulo ya dzone dzine, zwenezwo Mudzimu u rumela phasi huno a petulula itsho Tshithu nga Maända Awe. Izwo ndi zwone kokotolo zwe zwa itea hafha mañuvhani a Ahaba.

⁹¹ Zwino, ri a wanulusa uri Eliya o vha a tshi nga kona u amba izwo ngauri Mulaedza wa awara na Ipfi la Mudzimu... Mudinda, Mulaedza—Mulaedza, na Ipfi, zwo vha zwi zwenezwo zwithihi kokotolo. Muporofita, Ipfi, Mulaedza; mudinda, Mulaedza, na Mulaedza, zwo vha zwi tshi fana. Yesu o amba, “Arali Ndi sa iti mishumo yo ñwaliwaho nga ha Nne, zwenezwo ni songo Ntenda.” Izwo ndi zwavhudzi. Munna muñwe na muñwe-vho na mulaedza wawe ndi vhathihhi.

⁹² Izwo ndi ngazwo ḥamusi vha sa tendi kha u ita mishumo ya Mudzimu, ngauri a vha ḥanganedzi Mulaedza wa Mudzimu. A vha tendi Mulaedza.

⁹³ Fhedzi avho vha no tenda awara ya Mudzimu ine ra khou tshila khayo, izwi zwithu ndi Zwiñiwa zwo dzumbamaho. Itonu

elekanya, Mudzimu o Li dzumba nga maanda lune vha a sedza heneffo Khalo huno vha si Li vhone. Ndila i fanaho na ye Eliya a pofudza mmbi ya Siria. Ndila i fanaho ine Mudzimu a pofudza a sa tendi kha Zwiliwa zwa ngoho vhukumakuma zwa ñwana, mutendi.

⁹⁴ Zwe vha vhidza zwone Noaxe, “wa vhusweleli ho kalulaho,” a tshi khou fhaña gungwa, mañó awe o vha o vulea kha Ipfi la Mudzimu na pfulufhedziso. Tshenetsho tshithu tshe vha tshi vhidza vhusweleli ho kalulaho, tsho tshidza Noaxe na muñga wawe. Ni a vhone, tshenetsho tshithu tshithihi. Tshithu tshine vhatu vha tshi sea, ndi tshone tshithu tshire ra tshi rabelela. Tshithu tshire vhatu vha tshi vhidza uri tshi a “penga,” ri tshi vhidza “Tshihulwane!” Tshire shango la tshi vhidza “tshihulwane,” Mudzimu u tshi vhidza tsho “tsilufhalaho.” Huno tshire shango la tshi vhidza tsho “tsilufhalaho,” Mudzimu u tshi vhidza “Tshihulwane!” I tou vha kokotolo mbampedzo vhukati ha Tsho lugaho na tsho khakheaho. Yesu Kristo ha shanduki mulovha, ñamusi, na lini na lini.

⁹⁵ Elelwani, o ya ngomu fhethu hawe ha tshidzumbe nga pulane ya Mudzimu, nga mbidzo ya Mudzimu, na Ipfi la Mudzimu. Eliya o dzhena ngomu fhethu hawe ha tshidzumbe nga u dzula ha Mudzimu o ñivha (pulane), na mbidzo kha vhutshilo hawe, na u ya nga Ipfi. Arali iyo i si ndila ye ra dzhena, a thi ñivhi uri ri swika hani hangei.

⁹⁶ Huno dzhielani nzhele, gomelelo li sa athu thoma, Eliya o ya ngomu afha fhethu ha tshidzumbe u itela u tshila hawe. Ndi tshifanyiso tshenetsho tsha musi khañhulo i sa athu thoma u rwa liphasi, Tshihidzo tsho no di vhidzelwa nn̄da, Muselwa o no di nangiwa, huno o tou lindela khañhulo i sa athu rwa. O no di lindela, a tshi khou la Zwiliwa zwa Mudzimu, a tshi khou ñiphina nga phathutshedzo dla Mudzimu. Munna muñwe na muñwe kha ñhalukanyo yawe ya nomala u a zwi ñivha zwauri ri khou ya tswititi, ri heneffo kha awara ya khañhulo.

⁹⁷ Sedzani! Mukomana Banks, vhoinwi vhanna vho vhalaho vhane na vha fhano madekwana a ñamusi, vhe na vha no ima ngei nn̄da kha iyo thavha nga ayo matsheloni.

⁹⁸ Huno ndi ñoda u amba nga ha iyo thavha, nga matsheloni a Swondaha i tevhelaho, Murena a tshi funa. Ndi na nzumbululo khulwane, tshiñwe tshithu tshi re nga phanða tshire ndi nga si kone u litsha u ni vhudza yone madekwana a ñamusi. Fhedzi ndi na... Ni a vhone? Huno hu sa fhidzi, tshifhinga tshothe, tshiñwe tshithu tshi tshi khou bvelela nga murahu ha tshiñwe. Ni a vhone? Tshi nga si ime u bvelela na kathihi, ngauri ho vha hu U RALO MURENA.

⁹⁹ Muñwe na muñwe wañu fhano, zwigidi zwi tshi andiswa nga zwigidi kha theiphi, no mpfa huno nda ri, “U RALO MURENA, tshi ño vha tshino-na-tshila.” Huno na dzigurann̄da na magazini

zwi tea u t̄anziela uri zwe ralo. A vha ðivhi uri i malugana na mini tshoñhe, fhedzi vho i vhona. A vha ðivhi zwine ya vha zwone, fhedzi vho i vhona, i tshi khou ita Ipfi ngoho kokotolo.

¹⁰⁰ Ro vha ro ima ngeno fhasi mulamboni, uyo Muruñwa wa Murena a tsa nga ilo ðuvha, miñwaha ya mahumi mararu na miraru, kana 1933 wo vha u wone, a tsela fhasi huno a amba zwithu zwe A ita. A bva, huno vhanna vhanzhi vha ima n̄tha ha philiphili hangei, vha ri, “Naa izwo zwe ambani, Billy”

¹⁰¹ Nda ri, “Izwo zwe vha zwi si zwanga; izwo zwe vha zwi zwañu. Ndi a tenda; a ni ralo.” Huno a tou bvela phanda na u tshimbila.

¹⁰² Zwenezwo mufunzi a ri kha nñe, a ri, “Inwi ni amba uri inwi, nga pfunzo ya gireidi ya vhusumbe, ni khou ño ya shangoni lothe huno na rabelela vhavhusi na vhahulwane na dzikhosi na zwithu? Huno, oo,” a ri, “Li hangweni!”

¹⁰³ Ndo kundelwa u Li hangwa, Lo vha lo vhulungwa kha mbilu yanga. Zwino hafha, nga murahu ha miñwaha ya mahumi mararu na miraru, tshiñwe na tshiñwe tshe A amba tsho bvelela lwo fhelelaho nga ndila ye A amba zwauri U ño zwi ita. Ndi ene Mudzimu huno ha koni u kundelwa. Ene tshifhinga tshoñhe u vhulunga Ipfi Lawe. U...Ni songo Li timatima na kathihi.

¹⁰⁴ Zwino, dzhielani nzhele, o dzhena nga puñane ya Mudzimu (u dzula o ðivha), mbidzo ya Mudzimu, na Ipfi la Mudzimu, huno a dzhena gomelelo li sa athu thoma.

Zwino, ri a zwi ðivha uri khañhulo yo lugela u rwa.

¹⁰⁵ Ndo ima muvhunduni nga ilo ðuvha, Mukomana Banks Woods o ima hafha, ro vha ri tshi khou gonya muvhundu. Khamusi ndi nga zwi redza hafhu, ngauralo izwo zwi fhañlutendo lwanu u itela uyu muduba wa thabelo une wa khou toda u itea kha miniti i tevhelaho ya fumi, ya fumiñthanu. Ndo vha ndi tshi khou tou tshimbila phanda ha Mukomana Banks. O vha... Ndi elekanya uri o vha o sia Khaladzi Ruby musi o vha a tshi khou lwala. Huno ene a tshi da murahu hanga, nda dzhiela nzhele tshifhañuwo tshawe, tsho tswuka. Nda sedza murahu. Nda elekanya uri muvhundu u nga di mu kondela zwiñuku u gonya, ngauralo nda nga ndi a ongolowa. Heneñho masogani ayo, heneñho n̄tha ha mivhundu vhunga iyo, heneñho he Vharuñwa vha Murena vha bvelela. Ro vha ro livha heneñho kha ilo sia-ha, he Vha bvelela miñwedzi i si gathi izwo zwi sa athu itea.

¹⁰⁶ Huno musi ndi tshi khou gonya muvhundu, Muya wa Mudzimu... Musi ndi tshi rembuluwa, nda sedza n̄tha ha thavha, A ri, “Doba ilo tombo, huno u ri khae, ‘U RALO MURENA, u ño vhona Vhugala ha Mudzimu kha awara dzi si gathi dzi tevhelaho.’”

¹⁰⁷ Ndo sokou doba tombo, huno nda ri, “Mukomana Banks, a thi divhi uri ndi ngani,” nda li posela n̄tha muyani, huno nda ri, “U RALO MURENA, ni khou yo vhona Vhugala ha Mudzimu.”

A ri, “Izwo zwo amba Ruby?”

¹⁰⁸ Nda ri, “Hai, a thi elekanyi uri zwo vha na mushumo na inwi, Banks kana Ruby, muñwe wanu. Ndi khou tou elekanya uri Lo vha li tshi khou tou ri, ‘U RALO MURENA, tshinwe tshithu tshi khou yo bvelela.’”

¹⁰⁹ Huno nga matsheloni a tevhelaho musi ro vha ro ima heneffho, vhunzhi ha vhanna, a thi divhi uri ndi vhangana vho dzulaho hafha zwino, ho vha hu na vha fumimbili kana fumiña, vha fumiñhanu vhashu vho dzula heneffho. Nga khathihi fhedzi, mushumeli a sendela kha nñe huno a ri, “Mukomana Branham,” a ri, “dzina ḥanga ndi Likenenene.” Ha pfi, “Ndo vha ndi muñwe wa vhatikedzi vhañu ngei California.”

¹¹⁰ Nda ri, “Ndi takalela u tangana na inwi, mune wanga.” Douglas McHughes. A ri, “Nñe...” Nda ri, “Ndi takalela u tangana na inwi.” Nda khadana nae.

¹¹¹ A ri, “Zwo ralo, zwino, ndi ṭoda u ni vhudzisa mbudziso.” Ha pfi... Roy Roberson, mulangandaka fhano; Mukomana Woods, Terry na Billy, nahone, oo, Mukomana McAnally, nahone a thi divhi uri vhothe vhe vha vha vho ima heneffho ndi vhomnyi. Huno nda... A ri, “Ndi ṭoda u ni vhudzisa tshinwe tshithu.” A ri, “Naa Murena u a vhuya a ni nea mabono nn̄da ngaurali?”

¹¹² Nda ri, “Ee, mukomana, fhedzi ndi ḫa ngeno nn̄da u nga ndi ṭutshela kule hao, u awela.”

Huno nda sedza u mona hothe nga ndila *iyyi*, huno nda vhona dokotela wa muvhili o mu sedza, a ri, “Vhaf. McHughes, iyyi aledzhi i re itoni lavho hu si kale i do bvisa iṭo ḥavho. Ndo vha alafha sa dokotela lwa miñwaha mivhili, huno a thi koni u ita tshithu nga halo.”

Huno nda rembulutshela khae. Nda ri, “Zwe na mmbudzisela izwo zwone, dokotela wañu o ni vhudza, liñwe ḫuvha, ‘Iyo aledzhi yo vha i itoni ḥanu.’” Ho vha hu nga masiaritshivhangalala, i tshi ṭodou rwa awara ya fuminthihi n̄tha ha tshithoma, huno o vha o ambara ngilasi dza ḫuvha. Nda ri, “Tshiitisi; a no ngo ambara idzo ngauri hu ḫuvha, ndi nga ḫwambo wa iṭo ḥanu. O ni vhudza uri ni ‘khou yo xeletwa nga ilo iṭo.’”

Huno a thoma u lila, a ri, “Izwo ndi zwone.”

¹¹³ Nda rembuluwa uri ndi tshimbile u mona hothe hafhu, ndi na fosholo tshandani tshanga. (Huno nda sedza; nda mu vhona o ima heneffho o ntsedza, maṭo awe a tshi khou tou penya.) Nda ri, “Fhedzi U RALO MURENA, a ni khou yo xeletwa nga ilo iṭo.” Ndo vha ndi tshi khou zwima nae ulu luṭavula lwo fhiraho, u kona u vhona lwa khwine u fhira nñe na nnyi na nnyi kha gogo. Ene na kathihi... .

¹¹⁴ Huno nda vhona mufumakadzi o aluwaho a tshi kokodzela fhasi gauswu dzawe huno a imisela n̄tha lurumbu lwa tshikete tshawe. A ri, “Murwa, arali na vhona Mukomana Branham, mu vhudzeni uri a rabelele milenzhe yanga.” Huno nda sedza heneffho fhasi, huno zwiṭuku... zwi tshi nga zwizwimbo zwo nembelelaho kha milenzhe yawe, u mona hoṭhe.

¹¹⁵ Nda ri, “Mme anu ndi mufumakadzi a re na mmvi. ‘Murwa wanga,’ inwi ni a vhona. Vho ni vhudza ni sa athu ṭuwa, arali no mmbona, ni ite uri ndi rabelele milenzhe yavho. Vha na zwizwimbo zwiṭuku, zwa u ralo, zwo nembelelaho hoṭhe-hoṭhe milenzheni yavho.” A ḥodou n̄oka.

Ha pfi, “Izwo ndi ngoho.”

Nda ri, “Vha vhudzeni uri vha songo vhilaela. Zwi ḥo luga.”

¹¹⁶ Nda thoma u tshimbila u mona hothe. Zwenezwo nda pfa Ipfia la Mudzimu li tshi amba, la ri, “Ibva n̄dilani, nga u ḥavhanya.”

Roy Roberson o ima heneffho, a tshi zwi ḫivha uri ndi mudzia-tshenzhemo wa nndwa, nda vhea tshanda tshanga kha shada lawe, nda ri, “Mukomana Roy, dzumbamani, nga u ḥavhanya u ya nga hune na kona!”

Ha pfi, “Naa thaidzo ndi mini?”

Nda ri, “Ibvani n̄dilani! Dzumbamani!”

¹¹⁷ Huno nda thoma fhedzi u tshimbila u mona hothe, nda vhea fosholo yanga fhasi, nda rembuluwa, nda bvula muṇadzi wanga. Huno hafha U a ḫa, Vhugala ha Mudzimu vhu tshi khou wela tshiḍumbumukweni tshe tsha kherukanya lurumbu lwa thavha nn̄da nga u ralo, huno ha thuthubisa nahone ha dzinginyisa fhetu nga u ralo, ha tumula ḥodzi dza zwiṭaka; hune ha ḥodou vha fithi tharu kana n̄na, ḥanu nga n̄tha ha thoho yanga. Tsha humela murahu vhunga fanele nga u ralo; Tsha thuthubisa hafhu. Huno, hafha Tshi a ḫa, kararu.

¹¹⁸ Zwenezwo musi Tshi tshi ṭuwa, lwa vhuraru, Mukomana Banks a ḫa hangeno, a ri, “Izwo ndi zwe na vha ni tshi khou amba nga hazwo?”

Nda ri, “Ee.”

Ha pfi, “Naa ndi mini?”

¹¹⁹ Nda ri, “Mudzimu u a bvelela kha zwiḍumbumukwe.” A thi ḫivhi uri kana O vha a tshi ḥoda uri ndi vhudze vhatu kana hai.

¹²⁰ Zwenezwo nda ya phanda huno nda rabela zwiṭukunyana. Zwenezwo A mmbudza uri ndi nga kona u vha vhudza. Nda ri, “Ndi khatulo i no khou rwa Khunzikunzi ya Vhukovhela.” I sedzeni ḫamusi! Sedzani zwe zwa bvelela awara dzi si gathi nga murahu ha hezwo: Alaska ya ḫupela. Huno tshithu tshoṭhe tshi khou ya fhasi. Ri khou dzhena ngomu ha khatulo. Khatutshelo yo lambiwa.

¹²¹ Fhedzi n̄divhuwo kha Mudzimu, ri na Zwiliwa zwo dzumbiwaho, Zwiliwa zwa maya, uri ri khou tshila nga

vhudi na khathutshelo ya nzumbululo ya Yesu Kristo kha aya mađuvha a u fhedzisela, a tshi khou Dikhwaθhisēda vhukati ha vhathe Vhawē. Amene! Vho dzhena. Eliya o dzhena musi gomelelo li sa athu swika. Livhuwani Mudzimu nga u vha ngomu khaθhulo i sa athu swika. Zwino ndi tshifhinga tsha u bva na u dzhena, u bva kha ayo madzangano na u dzhena ngomu ha Kristo, tshifhinga tsha u bvela nnđa na u dzhena ngomu tsha vhatendi vha ngoho vhoθe.

¹²² Zwenezwo a vhidzwa, huno a dzula ngomu henefho. Elelwani, na kathihi ho ngo ḥuwa mulamboni uyo u swika Mudzimu a tshi mu vhidza.

¹²³ Huno nga murahu ha musi gomelelo li tshi ḥodou fhela, A mu vhidzela nnđa henefho, a tsela ngei nduni ya tshilikadzi. Dzhielani nzhele, A vhidza iyi tshilikadzi. Huno iyi tshilikadzi yo vha i songo dowelana na vha sa tendi; vho dzhia luswayo lwa ḥivhanda musi wa gomelelo. Ngauralo A i vhidzela nnđa u... vhidza Eliya uri a farise iyi tshilikadzi. Vho vha vha tshi tou vha na khekhe ḥukhū nthihi, tshithu tshītuku tshithihi tshe ya vha yo tshi farelēla. Huno Eliya a ri, “Nnee iyo, u thoma. Ngauri, U RALO MURENA, iyo khali i nga si do fhela nahone na tshitemba tshi nga si do oma, u swika ḫuvha line Murena Mudzimu a ruma mvula kha ḥifhasi.” U rangisa Mudzimu phanda, Ipfi Lawe u thoma!

¹²⁴ Dzhielani nzhele, ho vha hu na vhukhopfu khalini. Tshifhinga tshoθe a tshi ya vhukhopfuni, ho vha hu na vhukhopfu khalini. Ho vha hu na mapfura tshitembani, tshifhinga tshiñwe na tshiñwe a tshi ya u a dzhia. Ndi ngani? Vhukhopfu ho imela Kristo kha vhukhopfu-ha-tshidzimu. Maguyo o do tea u vhekanywa nga ndila yone, u kuya iñwe na iñwe yadzo. Guyo ḥiñwe na ḥiñwe la uvhu vhukhopfu lo vha lo tou ralo kokotolo, li tshi sumbedza uri Ha shanduki mulovha, ḥamusi, na lini na lini. Ilō lo vha li Ipfi, Tshinnkwa tsha Vhutshilo tshi tevhelaho mulaedza, u khwathisedza Ipfi.

¹²⁵ Zwo ralo na ḥamusi, dzikhonani. Zwo ralo na ḥamusi, uri Tshinnkwa tsha Vhutshilo tshine vhana vha tshi la, tshi tevhela Mulaedza wa Mudzimu, u vha farisa kha tshifhinga tsha gomelelo. Mini-ha arali O ima vhuhoneni hashu ḥamusi? Mini-ha arali O ima vhuhoneni hashu zwa zwino? O vha a tshi do shuma na u ita kokotolo vhunga O ita mađuvhani a musi O vha e namani hafha kha ḥifhasi. Muselwa ndi tshipida tsha Munna, Tshivhidzo tshi fana na Kristo. “Mishumo ine Ndā ita ni do ita-vho.” Huno ndi Ipfi lo zwi itaho. O ri vhudza zwauri zwitħu zwe A ita izwo ri do ita-vho.

¹²⁶ Ri dzhiela nzhele hafha hafhu, arali Ipfi li kha riñe nahone lo da kha riñe, sa zwe La ralo Eliya nga ilō ḫuvha, Li do ita zwenezwo zwitħihi zwe a ita, u do dikanzwa nga Zwitħu zwa tshidzumbe zwa Mudzimu zwo dzumbelwaho shango. Oo! Hafhu, zwi ita Mulaedza na muđinda sa vhathe. Zwiliwa

zwa muya zwo luga, huno Zwi kha khalañwaha zwino. Huno muñwe na muñwe wañu a nga kona u vha na izwi Zwiliwa arali ni tshi Zwi tama, arali ni tshi funa u sa tsha tswa ha u sa tenda hoþhe ha ino awara, arali no ðilugisela u ða ngomu ha Kristo, na ða ngomu ha pfulufhedziso Yawe.

Huno elelwani pfulufhedziso Dzawe, kha Maleaxi 4, Luka 17:30, na kha Yohane Mukhethwa 14:12, na Mañwalo mangana o engedzeaho, a u vhudza, Yoele 2:38, na zwoþhe zwine A ðo ita, kana 2:28, kha ndi ralo, zwine A do ita kha aya maðuvha a u fhedzisela. Na ndila ye muporofita a amba zwauri hu do vha Tshedza kha aya maðuvha a u fhedzisela, ndila ine Tsha ðo shuma, zwine Tsha ðo ita, Mañwalo oþhe a tshi khou sumba kha aya maðuvha a u fhedzisela. Huno uyo ndi Kristo! Arali ni tshi nga ðzumbama kha Uyo zwino, kha afho Fhethu ha tshidzumbe, ni nga kona u la huno na vhona vhudi na khathutshelo ya Mudzimu. Arali ni tshi lwala, hu na phodzo heneffo.

¹²⁷ Inwi ni a elelwa musi Elisha, ngavhuya, o no vhidza fhasi... Nga murahu ha uvho vhukhopfu-ha-tshidzimu he a vha e naho, Kristo, huno a farisa nndu ya tshilikadzi Ngaho. Dzhielani nzhele ngavhuya musi a tshi vhidza mulilo uri u tse u tshi bva kha mañadulu, na zwiñwe-vho, huno a sumbedza u rumiwa hawe, ha Mudzimu, Muya wa muporofita.

¹²⁸ Dzhielani nzhele ngei sogani, musi o vha o edela heneffo fhasi ha muri wa muungana, Muruñwa a tsela fhasi e na ulwo lushaka lwa vhukhopfu, huno a baka dziñwe khekhe huno a mu kanzwa. Huno ngavhuya zwiñuku A mu ededza hafhu, huno a mu karusa, nahone o no ita dziñwe khekhe dza vhukhopfu dzo engedzeaho dzo bakiwaho heneffo u itela ene. Huno a ya e na nungo dza idzo khekhe lwa maðuvha a fuiñ. Vhugala kha Mudzimu! Ha shanduki mulovha, ñamusi, na lini na lini. Oo, nga ndila ine ra Mu funa, Zwiliwa zwa muya nga khalañwaha Yazwo!

¹²⁹ “A zwo ngo tea u dzhia tshinnkwa tsha vhana huno na tshi ñea dzimmbwa.” Naa Yesu ho ngo amba zwenezwo zwithihi kha musadzi wa Sirofenike? O vha o rumelwa kha Vha Ene muñ. Izwo ndi zwone. Huno ndi avho vhane A ða...Na kathihi Ho ngo ya kha Vhannda.

¹³⁰ Huno zwino ñamusi U dalela Vhannda nga tshifhinga tshavho, huno a zwo ngo fanela...

¹³¹ Inwi ni ri, “Ndi ngani Mulaedza u sa yi kha aya mafhethu mahuluhulu, idzi khuruseidi khulu, vhunga vhukati ha dzidinomineisheni?”

¹³² A si Zwiliwa zwavho. A si zwa tshivhidzo, zwi no vhidzwa, Zwiliwa. Ndi Zwiliwa zwa Muselwa. Ndi Zwiliwa zwa muya kha khalañwaha. Zwi ðo vha lwadza thumbuni dzavho. Zwo pfumesesa khavho. Ni a vhona? Ni a vhona? Inwi—inwi—inwi

ni nga si kone u zwi ita. Fhedzi, kha vhana, Ndi Tshinnkwa, Ndi Vhutshilo, Ndi Yesu Kristo a sa shanduki mulovha, ɻamusi, na lini na lini.

¹³³ Ri khou yo lengesa arali ri sa thomi muduba wa thabelo zwino, ngauralo kha ri kotamise zwifhă̄tuwo zwashu lwa tshikhathinyana fhedzi.

¹³⁴ Mudzimu a Funwaho, Zwiliwa nga khalañwaha yo teaho, Zwiliwa zwa muya. Tshiñwe tshithu tshire shango la sa ñivhe tshithu nga hatsho. Nga ndila ine ra pfa Murena washu a tshi amba izwo nga uvho vhusiku, kana nga ayo masiari ngei phasi Samaria, fhethu honoho huthihi he Elisha a tshimbila huno a ri, “Malandu, ñwando a u nga ño wa u swika ndi tshi u vhidza.” Hafha ho ima Yesu heneffo a tshi khou vhudza vhafunziwa Vhawe.

Ha pfi, “Muñe, ndi ngani U sa li?”

A ri, “Ndi na Zwiliwa zwine na sa ñivhe tshithu nga hazwo.”

¹³⁵ Ngoho, Murena, Zwiliwa Zwawe two vha zwi u ita lufuno lwa Mudzimu, u vhona mishumo ya Mudzimu i tshi vhonadzwa kha awara Yawe. O vha e heneffo u vhona uri zwi a itwa. “A thi iti tshithu nndani ha musi Khotsi Anga a tshi thoma a Ntsumbedza. Zwine Khotsi a Ntsumbedza, izwo Ndi a ita.”

¹³⁶ Huno, Khotsi, two ralo na ɻamusi. Tshivhidzo, mutendi wa ngoho, Muvhili wa vhatendi, u na u swikelela Zwiliwa, Zwiliwa zwa muya, zwine vha re na madzina vha si ñivhe tshithu nga hazwo. Shango a li ñivhe tshithu nga ha izwi Zwiliwa, Khotsi. Fhedzi Tshivhidzo Tshau, vhatatu Vhau, Muselwa wa Murwa Wau, u a Zwi funa.

¹³⁷ Ri a swikelela kha phodzo ya mivhili yashu musi madokotela o kundelua. Ri a swikelela kha hezwi. Ndi zwiñwe zwa Zwiliwa zwa Mudzimu, zwe A ɻekedza Tshivhidzo Tshawe, huno a zwi fulufhedzisa mađuvhani a u fhedzisela kha vhana Vhawe vha tendaho. Khotsi, ri thusue vha vhana vha tendaho, ngauri zwithu zweithe zwi a konadzea kha vhatendi. Zwi tendele, Mudzimu a Funwaho. Ri zwi humbela Dzinani la Yesu. Amene.

¹³⁸ Ndi tenda uri Billy o mmbudza uri vha nea ñdziwe garaña dza thabelo. Arali muñwe muthu a tshi ño mmbudza ledere li re kha garaña ya thabelo, ndi zwenezwo fhedzi zwine nda toda. [Muñwe u ri, “C.”—Mudz.] C, two luga, kha ri dzhie C, nthihi, ri thome, u swika ndi tshi thomisa muduba washu. Ni a vhona, zwino, vha nga ñi vha vhe hoñhe-hoñhe. Zwino, arali muñwe na muñwe... Zwo ralo, ni a vhona, nñe ndi khou yo lingedza hezwi. A thi ñivhe uri kana ri nga kona u zwi ita kana hai. Kana ri nga kha di tou vha na muduba une wa vhidzelelwa; inwi dzulani ni dzike. A zwi na thaidzo kha nñe. Arali ni tshi ño tou ña ngeno ɻha kha pulatifomo, kana na vha na muduba

u vhidzelelwaho, a hu na thaidzo, iñwe ya idzo ndila. Ndi khou tou ditika tshothe-tshothe nga Muya Mukhethwa. Ndi khou ditika Ngae uri a lwele ili Ipfi le nda li rera.

¹³⁹ Mukomana George Wright, ndi a Li tenda. U bva ndi tshee mutukana muñuku, ndi tshi da nduni yañu miñwaha minzhi yo fhiraho, ndo thetshelesa itscho tshiononi tsha vhusiku tsho dzula murini, ndi kha di tenda wonoyo Mulaedza muthihi. Ndi tenda uri Ndi wonoyo muthihi.

¹⁴⁰ Zwo luga, ndi a vhona uri vha khou lugisa murahu hafha u itela muduba wa thabelo. Zwo luga, garaña ya thabelo C, ya u thoma, ya vhuvhili, ya vhuraru, ya vhuña, ya vhuñanu, thomani u da huno ni ime hafha. Arali ni sa koni u takuwa, arali ni tshi do tou imisa zwanda zwañu, vhañwe vhavho vha do da vha ni hwala. [Muñwe u amba na Mukomana Branham—Mudz.] Naa ndi mini? Iina. Uh-huh. Garaña ya thabelo C, ya u thoma, ya vhuvhili, ya vhuraru, ya vhuña, ya vhuñanu. Huno zwino dzhielani nzhele, inwi ane a sa vhe na garaña ya thabelo...

¹⁴¹ Zwino, a tho ngo vha na muduba wa thabelo wa ulu lushaka lwa tshifhinga, tshilapfulapfu. Naa ndi vhangana vha no elelwa ndaela yanga musi ri tshi fhaña Thaberenakele hafha? Ha pfi, “Ita mushumo wa muevangeli.” A tho ngo ri ndo vha ndi muevangeli. Ho pfi, “Ita mushumo wa muevangeli,” ni a vhona, “ngauri awara i do swika musi izwo zwi tshi tea u shandukiswa.” Iyo awara i khou swika. Zwo luga. Zwino, kha iyi, Ene...

¹⁴² Inwi ni nga si kone u tanganyisa mishumo mivhili kana miraru yo fhambanaho fhethu huthihi, u lisa na u ita zwa vhuevangeli, nga tshifhinga tshenetsho tshithihi. Ni nga si kone u vha mu—muporofita nahone khamusi mufunzi, nga tshifhinga tshenetsho tshithihi, ni a vhona, ngauri ni na mishumo yo fhambanaho, mushumo wo fhambanaho.

¹⁴³ Fhedzi Murena o nñea zwine nda tea u ita kha Mulaedza wanga. Fhedzi zwenezwo A ri, “Ita mushumo wa muevangeli, ita uri mushumo wau u vphonale, ngauri awara i do swika musi vha sa do kondelela Pfunzo i sa lwalihlo.” Arali iyo i songo da zwino! Tshivhidzo tshiñwe na tshiñwe tshi re dinomineisheni tsho nthudzela kule. A zwo ngo kondelela Pfunzo i sa lwalihlo. “Fhedzi nga nyemulo dzavho vha do dzenisa vhadededzi vhavho ngomu, huno vha rembulutshela kha dzingano. Huno vha do ita zwithu zwihiwlwane zwa maanda vhunga Yannesi na Yamburesi vhe vha pikisa Mushe, fhedzi u shaya maano havho hu do vphonadzwa.” Ni a vhona? Ni a vhona? Zwo luga, u edzisela! Ni a vhona nñila ye Yamburesi...

¹⁴⁴ Huno, Mudzimu ngei Tađulu u a ñivha, iyo i henefha khudani ya ilo tombo la Thaberenakele u bva nga 1933, yo ñwaliwa kha siatari la Bivhili, i re henefho. Sedzani uri vho zwi ita hani. Sedzani zwo ñaho zwa khunyelela. U edzisela, zwo tou kokotolo.

Ha pfi, "Vha litsheni, u shaya maano havho hu do ḫivhadzwa nga mukhwa wonoyo muthihi vhunga zwe Yamburesi na Yannesi vha vha vhe zwone." Ngezwi ri kha iilo ḫuvha.

¹⁴⁵ Nda vhona tshivhidzo tshifhingani itsho musi ro vha ri tshi khou vhea tombo la khuda, vhatu vho nembelela kha mbaba na u mona hothe, vho ima u mona na mbondo dza thaberenakele. Khezwo. Vha ri, musi i tshi da nthia, vhatu vha muđi fhano, vha ri, "Nga tshifhinga tsha miwedzi ya rathi..." Riñe nga dojara nthihi na sente dza fumalo u fhaṭa thaberenakele, vhunzhi ha vhatu vha giratshini vho no dzhia tsheo ya uri yo vha i tshi khou yo vha giratshi yavho. Fhedzi i kha di vha tshitumba tsha nngu u itela Nngu dza Mudzimu.

¹⁴⁶ Nthihi, mbili, raru, thanu, rathi, sumbe, malo, ṭahe, fumi. C, rathi, sumbe, malo, ṭahe, fumi. Zwo luga.

¹⁴⁷ Zwino, "Nne Murena ndo i ṭavha, Ndi do i sheledza masiari na vhusiku uru muñwe a songo i thuba tshanđani Tshanga." Sedzani tsatsaladzo! A hu na dinomineisheni ya u U tikedza. A hu na zwivhidzo zwi no U takalela u mona na shango hafha. A hu na Pentekoste shangoni, a hu na tshiñwe tshithu-vho tsha u U tika. Muñwe na muñwe u hanedzana na ndovhedzo ya mađini, muñwe na muñwe u hanedzana na izwi zwiñwe zwithu zwothe. Na kha muña wanga nne muñe, baba vhanga nne muñe vho nthudzela kule munangoni, nda panga zwiambaro zwanga khedzini ṭhukhu ya bammbiri huno nda ṭuwa huno nda dzula ngei New Albany. Ndi zwone.

Fhedzi nga kha khombo nnzhi, mishumo na
zwickewke,
Ndo no di da;
Ndi tshilidzi tsho ntswikisaho hafha,

Ndi na minwaha ya fuñhanurathi, huno hu si kale ndi tea u pfuka mulambo.

Tshilidzi tshi do nnyisa phanda.
Musi ndo vha ndi henengei miñwaha ya
zwigidi zwa fumi,
Ndi tshi penya sa ḫuvha;
A ri nga vhi na mađuvha mađuku a u imba
thendo ya Mudzimu
U fhira ri tshi thoma lwa u thoma.

Oo, ndi funa hani Yesu! Ndi ene shango lothe kha nne!

¹⁴⁸ Oo, zwo luga, naa ndi vhangana vhe nda... Naa ndi ngafhi he nda litsha hone, fumi? Naa ri nga dzhia vho engedzeaho? Zwo luga. Naa iyo yo vha i mini, fumi, fumiñhanu? Zwo luga. C, fumi u swika fumiñhanu, huñwe na huñwe hune na vha hone, arali ni tshi nga kona u ima huno na dzhena ngomu. Naa ni ri mini? Huh? Zwo luga. C, fuñhanu u swika fumbili, zwenezwo. I ri ni iyo i vhe C, fumiñhanu u swika fumbili. Avho

vha ḋo vha vhathu vho engedzeaho vha fumi. Ri vhona... Ni a vhona—vhona he muduba wa ima heneffo, a ri vha wani—vha wani vho tsitsikana. Huno ri ḋo... Zwo luga.

¹⁴⁹ Zwino nthetsheleseni no fhaṭuwa; a ri nga fhedzi tshifhinga tshilapfu. Fhedzi, zwino, oo, ndi awara-de, ndi tshifhinga-de! Ndi—ndi tama muñwe na muñwe a tshi nga funa Murena. Ndi—ndi tama rothe ro vha ri tshi nga da afho fhethu u limuha khonadzeo ya uyu muniti. Kha ri zwi lingedze. Itonu nthetshelesa.

¹⁵⁰ Naa—naa ri khou lingedza u ita mini hafha? Ri khou vhea Ipfī la Mudzimu nga kha mulingo. Eliya o ita zwenezwo zwithihi, o tshimbila n̄ha ha thavha nga murahu ha musi o zwi ḋivha uri o vha o ruñwa nga Mudzimu u zwi ita. A ri, “Zwino kha ri sumbedze uri Mudzimu ndi nnyi, i ri ni Mudzimu a no fhindula nga mulilo a vhe Mudzimu.”

¹⁵¹ Huno vhahedeni vha a tumula, oo, ha pfi, “Zwo ralo, ngoho, hai...” Vha—vhahedeni vho zwi ḋivha uri mulilo wo vha u sa khou yo wa, ngauralo vha zhamba nahone vha bvela phanda.

¹⁵² Fhedzi Eliya o zwi ḋivha uri u khou yo wa, ngauri o vha e na bono li bvaho ha Murena.

Inwi ni ri, “O vha e na bono?”

¹⁵³ Ee, muñe wanga! Musi o no vhea tshiñwe na tshiñwe kha nzudzanyo, a ri, “Murena, ndo ita izwi zweþhe u ya nga ndaela Yau.” Huno zwenezwo mulilo u thoma u wa. Musi Ipfī la Mudzimu li tshi vhulungwa nga u tou ralo, zwenezwo ndi mushumo wa Mudzimu u londa zwiñwe zwazwo zweþhe. U tou ni humbela u li vhea ngei nn̄da. Huno ivhani na ngoho ya uri no vhidzelwa u li vhea ngei nn̄da. Ni a vhona? Huno arali ni tshi ralo, U ḋo londa zwiñwe zwazwo zweþhe.

¹⁵⁴ Zwino, hafha hu ḋo vha na vhathu vha no da nga kha uyu muduba vhane nda ḋo vha ndi tshi khou rabela... Zwino, zwo luga, inwi ni tsini na luvhondo zwino, zwo luga, uri muduba u thome. Zwino, tsha u thoma, huñwe fhethu hafha ngomu tshifhaþoni, vhañwe vhathu... .

Naa ndi vhangana fhano vha no khou lwala huno vha si na garaþa ya thabelo, imisani tshanda tshaþu. Ni a vhona, vha tou vha hoþhe. Zwino, ni a ḋivha arali Murena washu... Huno ndi a tenda uri U do funa, arali E a sa shanduki mulovha, ñamusi, na lini na lini. U ita miduba ya thabelo. Vhathu vha a da Khae nga miduba mihulwane, vhathu vhanzhi-vhanzhi, O vha kwama, a vha fhaþutshedza. Zwenezwo A ima nga tshiñwe tshifhinga huno a ri, “Naa ndi nnyi o Nkwamaho?” Sedzani u mona hoþhe, a vhudza musadzi uri o Mu kwamelani; huno a ri vhulwadze hawe ha ñombe ho ṫuwa, lutendo lwawe lwo mu ñea mutakalo.

¹⁵⁵ Mini-ha arali o rembuluwa huno a ri, “Zwo ralo, a thi divhi, Murena, ndo vha na uvhu lwa tshifhinga tshilapfu”? Zwo vha zwi tshi ḍo vha zwi songo bvelela. Hai, zwo vha zwi tshi ḍo vha zwi songo bvelela. Hai.

¹⁵⁶ Mini-ha arali O vhudza musadzi wa Sirofenike, “Nga nthani ha ili ipfi le wa amba, ḥwananyana wau, diabolo o bva khae,” mini-ha arali ndi tshi ri, “Zwo luga, zwino, Murena, ndo—ndo vha ndi tshi ḍoda U tshi zwi ita nga *iyi* ndila”? Di—diabolo o vha a tshi kha di ḍo vha a tshee kha musidzana. Fhedzi o lavhelela u wana ḥwana wawe nga ndila ye A ri u ḍo mu wana e ngayo.

¹⁵⁷ Zwino, O ri vhudza, “Arali u tshi nga tenda! Arali u tshi nga kona u ri kha iyi thavha, ‘Sudzuluwa,’ huno wa si timatime mbiluni yau, fhedzi wa tenda uri zwe wa amba zwi ḍo khunyelela, u nga vha natsho. Musi u tshi rabela, tenda uri u a tshi ṭanganedza, u ḍo ḥewa tshone.” Ndi pfufuhedziso—de nandi!

¹⁵⁸ Zwino munna ane a rera mafhungo-mađifha a matshilisano ha a tendi ayo na luthihi. U ḍo tshimbila a swika munangoni, a sedza ngomu, kana a ima heneffho, huno a ri, “Zwo luga, i tou vha tshinwe tshivhalonyana tsha vhavhumbuluwi vhakhethwa,” huno a ḫitutshela. Ni a vhona? Fhedzi ha divhi zwauri izwi ndi Zwiliwa zwo dzumbiwaho. Ha divhi uri itshi ndi Tshithu tsha tshidzumbe tsho dzumbelwaho ene. Ha tshi divhi. I—i—i a pfisa vhuṭungu, thalukanyo i re fhedzi, i tungufhadzaho, yo pofulaho, huno a i zwi divhi. Ni a vhona? Itsho ndi tshithu tsho vhifhaho.

¹⁵⁹ Oo Mudzimu, kha ndi fe u thoma, fhedzi na kathihi u songo nngwana ndo ralo. Ndi nga ḥamba nda fa (ee, muñe wanga) u fhira u ita hezwo. Ndi elekanya uri muñwe na muñwe washu u ḍo ralo, naa ri nga si ralo? [Tshivhidzo tshi ri, “Amene.”—Mudz.]

¹⁶⁰ Fhedzi, zwino, Mudzimu o ri fulufhedzisa izwi zwithu mađuvhani a u fhedzisela. Kha Maleaxi 4, ho ambiwa uri Yesu Kristo u ḍo tsa huno a Diedzisela ḥamani vhunga O ita ngei Sodoma. Izwo ndi zwone. Huno ha pfi shango li ḍo vha kha nyimele ya Sodoma. Huno ha pfi, “Sa zwe zwa vha zwi zwone tshifhingani itsho, Murwa-muthu u ḍo dzumbululwa nga ilo duvha.” Ni a vhona, uyu Munna a no tsa nga tshivhumbeo tsha muthu, we a vha e “Elohim,” nga Abrahamu, uyu murwa o fulufhedziswaho a sa athu da. Sedzani zwe a vha e zwone, Abrahamu o amba uri o vha e Mudzimu. Huno Bivhili yo amba uri ho vha hu na vhanna vhararu vhe vha da khae, buse li kha zwiambaro zwavho, u enda, vha dzula phasi huno vha la sa vhathu. Huno Yesu o ri, “Zwenezwo nga tshifhinga tsha musi shango li tshi dzhena kha nyimele ya Sodoma, zwenezwo Murwa-muthu u ḍo Didzumbulula hafhu,” hu si Murwa wa Mudzimu. Murwa-muthu, ni a vhona, u ḍo Didzumbulula.

¹⁶¹ Zwino swayani hezwo nga zwe muporofita wa u fhedzisela a amba, “Vhonani Ndi ruma muporofita Eliya kha inwi,

huno u do vhuyedzedza mbi—mbilu dza vhana murahu kha vhokhotsi.” Ni a vhona? Mulaedza wa u vha qisa murahu kha Bivhili, huno Murwa-muthu u do vha a tshi khou Didzumbulula nga ilo duvha. Huno nga ilo duvha la u huwelela ha tshikhathi tsha u fhedza tsha tshivhidzo, muruñwa wa vhusumbe, zwiphiri zwa Mudzimu zwi tea u divhadziwa nga ilo duvha. Mapfundo a Sumbe a do khathuliwa. Zwiphiri zwa izwi zwivhidzo zwe the na zwithu, ndila ye zwa bvelela, na zwine zwa khou ite-... hani, zwe zwa itea.

¹⁶² Ni a vhona, a vha Li divhi. Yesu o ri, “Vhoinwi Vhafarisei vho populahol!” Ha pfi, “Árali bofu li tshi ranga phanda bofu, naa vhuvhili hao ha nga weli museleni?” Ni a vhona, itsho ndi tshone tshi itisaho uri avho vhathu vha si li vhone Hélo.

¹⁶³ Tshiphiri Tshało, ndi, ayo Mapfundo, tshiñwe na tshiñwe tsha izwo zwivhidzo tsho ita dzangano huno tsha dzhena ngomu halo, huno itsho ndi tshiñwe tsha zwithu zwa tshidzumbe zwo khakheaho phanda ha Mudzimu. Inwi ni a zwi vhona, Dokotela Lee? Ni a vhona, sedzani. Ndi tshone. Itshe ndi tshone tshithu henehfo. Itshe ndi tshiñwe tsha zwiphiri. Vho dzudzanya huno, ni a vhona, huno vha vha nga nnda ha lufuno lwa Mudzimu tshothe. Huno izwo zwi do taniwa maduvhani a u fhedzisela, huno zwa ranga phanda vhathu, hu si kha ndaela kana dinomineisheni, fhedzi murahu kha Ipfii la ngoho. Huno Ipfii la ngoho li do da kha tshiñwe tshigwada tsha vhathu, huno Murwa-muthu u do Didzumbulula vhukati havho, “a sa shanduki mulovha, ñamusi, na lini na lini.”

¹⁶⁴ Yawee, nnenne! Oo, ndi a zwi funa hezwo. Ndi a funa—ndi a funa u zuwa Ngae. Ndi a funa u—Mu ita muhulu phanda ha vhathu. A thi tei u Mu ita muhulu; O no di vha muhulu. U nthia lune ni nga si kone u swika nga nthia Hawe, o tsesa lune ni nga si kone u swika phasi Hawe, o atama lune ni nga si kone u mona hothe Nae, huno naho zwo ralo ni na lufhera mbiluni yanu u itela Ene. Naa ni nga si Mu tanganedze? Nga ndila ine Murena washu a mangadza ngayo! Zwo luga.

¹⁶⁵ Zwino kha ri dzike zwa vhukuma, muñwe na muñwe. Zwino, ro amba nga ha Heli. Huno zwino tshithu tshi re hone ndi tsha u ri, naa Ndi ngoho? Zwino, hu nga di vha hu na vhaiwe vhatsinda ngomu hafha. Ndi nga di ri arali... kha inwi, arali Kristo e a sa shanduki mulovha, ñamusi, na lini na lini, naa U do itani nga uyu muniti? U do ita zwenezwo zwithihi zwe A ita musi O vha e fhano u rangani. Naa izwo ndi zwone? Lutendo lwa vhathu lu do kwama tshiambaro Tshawe, huno U do rembuluwa. Vhunga O ralo kha musadzi ngei tshisimani, nahone O ita kha maiwe mafhethu, huno A vhona mihibulo yavho.

Zwino, inwi ni ri, “Naa A nga mphodza?”

¹⁶⁶ Ipfii Lawe lo amba uri O no di ita hezwo. Fhedzi tshithu tshi re hone ndi, ndi u Diđivhadza uri U fhano.

¹⁶⁷ Zwino, arali O bvelela kha riñe nga muvhili u vhonalaho, o vhonala kokotolo vhunga *Thoho Ya Kristo e na ya Furaruraru* ya Hofmann, huno malofha a tshi bva tshandani Tshawe a tshi gidima, na zwiñwe-vho, mavhadzi a zwibigiri hothe Khae, ndo vha ndi si nga zwi ḥanganedzi. Hai, hai. Hai, hai. Musi A tshi da, Ene muñe, “Itō liniwe na liniwe li do Mu vhona, lulimi luñwe na luñwe lu do Mu bula; huno vhunga lupenyo lu tshi bva Vhubvađuvha lu tshi ya Vhubvađuhela, zwi do vha nga u ralo.” Ni a vhona? A ri tendi uhu u luvha nga nyitelatherelo na dzitshaka. Ri tenda uri Mudzimu ndi Ipfi.

¹⁶⁸ Fhedzi U a Džidženisa muvhilini, a tshi dzhia muvhili wañu na muvhili wanga, huno a ni nea zwifhiwa, a nñea zwifhiwa, huno nga kha izwi zwifhiwa U a Džidžihadza. Izwo ndi Zwiliwa zwa tshidzumbe. A hu londwi uri U Džidžihadza zwingafhani nga nñe, ni tea u Li tenda, ni tea u vha na tshifhiwa tsha lutendo, na inwi-vho, u Li tenda. Ni a zwi tenda izwo? [Tshihhidzo tshi ri, “Amene.”—Mudz.] Huno zwino arali A tshi do Dživhonadza nga uyo mukhwa, naa ni do Mu tenda? [“Amene.”] Nga mbilu yanu yothe, ni do Mu tenda? Oo, zwi mangadza hani, u tou lindela Khae, u tou lindela u vhona zwine A amba.

¹⁶⁹ Ngoyu munna o imaho hafha. Na kathihi a thi athu mu vhona vhutshiloni hanga, u ya nga hune nda ñivha. U vhonala a tshi nga munna wavhudí, o khwáthaho, a re na mutakalo, huno ene nga khonadzeo o ralo, a—a—a thi ñivhi. Fhedzi o ima heneffho. Zwino, ndi nga ya nda vhea zwanda kha uyo munna huno nda mu rabelela, nda mu humbelia arali a tshi do tenda. U do ima hafha huno a mmbudza, a ri, “Ndi—ndi—ndi tóda inwi ni tshi rabelela *Mukenenene*. Huno ndi na—ndi na khando dzo waho. Ndi na thoho i remaho, lu sa fhidzi. Ndi na zwilonda mulomoni wanga,” kana tshiñwe tshithu. Ene—ene, a thi ñivhi. A nga ñi amba tshiñwe tsha izwo zwithu.

¹⁷⁰ Ndi do ri, “Zwo luga, muñe wanga, mukomana. Ndi do vhea zwanda zwanga kha inwi huno nda ni rabelela.” Izwo zwi do vha zwo luga lwo fhelelaho. Izwo ndi zwone kokotolo zwe ra ita zwothe u tsa phasi nga kha tshikhathi. Naa izwo ndi zwone?

¹⁷¹ Fhedzi, elelwani, Yesu o amba uri zwi do vha zwo fhambanaho heneffho kha tshifhinga tsha U Da Hawe, vhunga zwe zwa vha zwi zwone mađuvhani a Sodoma. Huno Munna we a da, o ita uri muñana Wawe u furalele dennde he Sarah a vha e hone, huno A ri, (hu si “Abram,” zwino) “Abraham.”

¹⁷² Ni a vhona, o vha e Abram, đuvha la phanda. Fhedzi o tangana na bono, huno Murena o mu vhudza uri, “Ndi khou yo shandukisa dzina lau.”

¹⁷³ Huno ngoyu Murena, Ene muñe, nga tshivhumbeo tsha munna, a tshi khou la na u nwa nae. Ha pfi, “Abraham, naa mufumakadzi wau u ngafhi, Sarah?” S-a-r...r-a-h; hu si S-a-r-r-a.

A ri, "U denndeni, murahu Hau."

¹⁷⁴ Ha pfi, "Ndi khou yo u dalela, u ya nga pfulufhedziso Yanga miñwaha ya fumbilithanu yo fhiraho."

¹⁷⁵ Huno Sarah a nga u a disea. A ri, "Sarah o sea denndeni nga itsho tshifhinga, a tshi ri, 'Naa izwi zwithu zwi nga vha hani?' Uh-huh. Naa hu na tshithu tshi kondelaho Mudzimu? Ni a vhona? A hu na. Hai, muñe wanga.

¹⁷⁶ Zwino A ri, Yesu o fulufhedzisa uri, "Ene, Murwa-muthu," a re Ipfi, (ni a zwi tenda izwo?) "u do da mađuvhani a u fhedzisela huno u do Didzumbulula tshifhingani tsha musi shango li tshi do vha li tshi nga Sodoma na Gomora." Ni a tenda uri izwo ndi zwone?

¹⁷⁷ Ri sa athu vha na thabelo nthihi, vhañwe vhañu ngeyo nnđa rabelani nahone ni vhone arali Murwa-muthu a tshi kha di vha a sa shanduki mulovha, ñamusi, na lini na lini. Itonu vhudzisa arali O ralo, ni ri, "Murena, uyu munna ha nnđivhi, fhedzi ndi a zwi ñivha uri U a sa shanduki mulovha, ñamusi, na lini na lini," na vhona arali A tshi ni vhudza hezwo.

Ee, muñe wanga. Zwino takusani thoho yanu lwa tshikhathinyana.

¹⁷⁸ U murahu hanga. Ndi ñwana. U khou swa zwa zwino nga biso. Ndi musidzana muñuku. Ni bva nnđa ha ñorobo. Nwana u na vhuleme ha thumbuni. O ralo. Itonu tenda.

¹⁷⁹ Zwino, naa izwo ndi zwone zwe A ri U do zwi ita? Na kathihi a thi athu vhona uyo muthu vhutshiloni hanga. Mudzimu a re ngei Tadžulu u a zwi ñivha hezwo.

¹⁸⁰ Uyu munna hafha, u vhonala o khwañha nga maanda nahone e na mutakalo. Fhedzi ni a vhona uyo murunzi nga n̄ha hawe heneffo? Izwo zwi amba uri, nnđani ha musi Mudzimu a tshi mu thusa, ha khou yo vha fhano ïwa tshifhinga tshilapfu nga maända. U na pfuko. I kha fhafhu ñanu.

Zwino, Murwa-muthu u fhano.

U na muhwalo mbiluni yawe u itela mutukana muñuku, ñwana muñuku. Naa izwo ndi zwone? Ni a tenda uri Mudzimu a nga kona u mmbudza uri ho khakheani kha uyo ñwana? [Mukomana u ri, "Ndi a ñivha uri A nga kona."—Mudz.] A nga kona. U na madambi a u swinga zwiñuku vhunga tshivhumbeo tsha tshifahole. U kha di bva u vha na manwe hu si kale. ["Nga matsheloni a ñamusi."] Izwo ndi zwone, matsheloni a ñamusi. Huno ni a tenda uri ni khou yo tshila uri ni aluse uyo mutukana, huno u do luga? ["Ee."]

¹⁸¹ Naa Charlie Cox u ngafhi? Naa u ngafhi? Charlie, naa ni ngafhi? Ndo elekanya uri o vha e fhano madekwana a ñamusi. Hangeno, Charlie. Gary, naa ni ngafhi? Larry, naa u fhano? Mutukana wawe muñuku o vha e na zwenezwo zwithihi, zwenezwo zwithihi kokotolo. Naa ni ngafhi, Larry? Idani

ngeno lwa muniti. Zwo luga, khezwo. Uyu mutukana mułuku hafha o vha e na zwenezwo zwithihi. Khotsi na mme awe ndi khonani yanga yavhuđi nga maanda. Miñwaha yo fhiraho ndo vha ndi henengei, huno uyu mutukana u do vha na madambi, a swinga huno a haluluwa. Ho vha hu tshifakhole. Ndo vhu fara kha mutukana mułuku, nda humbela Mudzimu uri a mu fhodze. Na kathihi ha athu vha na mañwe u bva tsheetsho. Avho ndi khotsi awe; mme awe vho dzula hafha huñwe fhethu; huno ngoyu mutukana mułuku, ene muñe.

¹⁸² Zwino ni a tenda, muñe wanga? (Ndi a ni livhuwa, Larry.) Ni a tenda, muñe wanga? Ngavhe Mudzimu wa Ḣadulu a tshi ni tendela zwenezwo zwithihi, na uri ni tshile uri ni aluse uyo ñwana. Mudzimu a ni fhañutshedze.

Kha ri rabele.

¹⁸³ Mudzimu a Funwaho, mu thuse. Ndi rabela uri khathutshelo Yau na tshilidzi zwi vhe khae huno u mu fhañutshedze. Dzinani la Yesu.

¹⁸⁴ Humelani murahu ngei Louisiana zwino, no takala, rendani Mudzimu ni tshi itela ene.

¹⁸⁵ Oo, iina, o vha a tshi bva Louisiana, ngoho o vha a tshi bva hone, u mona na Lake Charles. Ndi zwone. Ni a vhona, ndi kona u fara mihibulo yañu zwino. Thendo kha Mudzimu!

¹⁸⁶ Zwo luga, ni khou humbela tshi—tshithu tshavhuđi, ni ḥoda u vha na lushie. No no vha na vhana, vhana vha si gathi, fhedzi ni ḥoda muñwe. Ngavhe Mudzimu wa Ḣadulu a tshi ni tendela ene, khaladzi anga. Idani hafha, ndi ḥodou vhea zwanda.

¹⁸⁷ Mudzimu a Funwaho, nea uyu musadzi lutamo lwa mbilu yawe, ngauri ndi ndivho yo fanelaho. Dzinani la Yesu. Amene.

Zwino iyani ni vhe na ñwana.

¹⁸⁸ Mudzimu ndi Mudzimu wavhuđi. Ni a zwi tenda izwo? [Tshivhidzo tshi ri, “Amene.”—Mudz.] U ñivha zwothe zwine ra zwi ḥoda. U ri disedza ḡhodea iñwe na iñwe arali ri tshi zwi tenda. O ri, “Arali ni tshi nga tenda!”

¹⁸⁹ Ndo khada tshañda tshañu huñwe fhethu. A thi elelwi uri ho vha hu ngafhi, fhedzi huñwe fhethu ndo khada tshañda tshañu. A thi tou elelwa kokotolo, fhedzi ro vha ri tshi tou vha huñwe fhethu, namusi huñwe fhethu, fhedzi a thi ñivhi uri ho vha hu ngafhi. Fhedzi afho a si hone, zwe ra ñela zwone fhano u amba nga hazwo. Inwi ni fhano u amba nga ha, kana u rabela, ni ḥoda nñe ndi tshi rabelela muñwe muthu-vho. Izwo ndi zwone. Haho fhano. U ngei Georgia, u khou lwala. Ha khou tou lwala fhedzi, muvhilini, fhedzi lwa muya u a lwala; muzwala wañu. Inwi ni a tenda uri Mudzimu u do londa izwi ngauri no mu imela? Ni a ralo? Idani ngeno huno ri rabele roñhe.

¹⁹⁰ Mudzimu a Funwaho, tendela uyu munna lutamo lwa mbilu yawe, uri a kone u ṭuwa huno a wane uyu munna a tshi khou lilela Mudzimu. Dzinani ḥa Yesu ndi a zwi humbelia. Amene.

Mudzimu a ni fhaṭutshedze. Ni songo timatima. Tendani nga mbilu yaṇu yoṭhe.

¹⁹¹ Naa ni vuwa hani? Ho vha hu si uri a tho ngo kona u swikela tshanda tshaṇu uri ndi tshi khade tshifhingani itsho, musi ni tshi bvisa tshanda tshaṇu, ndo vha ndi tshi khou dzhieila nzhele tshiñwe tshithu. Ho vha hu murunzi, wo swifhalaho zwa vhukuma nahone mutswu. Itsho ndi tshone tshiitisi. Ndi a zwi ḫivha uri ndo fara tshanda tshaṇu, ndi ḫo tshi wana nga iyo n̄dila, ni a vhona. Fhedzi ndi pfuko. Ni a tenda uri Mudzimu u a kona u i sudzulusa? I kha khana yaṇu, kha lurumbu lwa kha tsha monde. Ni toda u humela murahu ngei Carolina huno na renda Murena nga n̄thani ha u vha na mutakalo, a ni ralo? Ni a vhona zwine nda khou amba? Kha ri rabele.

¹⁹² Mudzimu a Funwaho, nga Dzina la Yesu Kristo, Uyo A re hone zwingo; vhana vha tshi khou ḥa Tshinnkwa tsha Mudzimu, ngavhe uyu n̄wana na ene a tshi ḫiphina nga lutendo, Tshinnkwa tsha Mudzimu tshire A mu n̄ea tshone zwino u itela phodzo yawe. Ngavhe a tshi ṭuwa huno a vha na mutakalo, Dzinani ḥa Yesu. Amene.

Mudzimu a ni fhaṭutshedze, mukomana. Tendani nga mbilu yaṇu yoṭhe.

Naa ni vuwa hani?

¹⁹³ Naa itshi a si tshifhinga tshi mangadzaho? Hu tou vhonala hu tshi nga nyofho yo dzula fhasi kha vhathu. Kana, zwi nga ḫi pfala vhunga, ndevhe dzanga, u tou nga tshiñwe tshithu tshi khou tuwa, [Mukomana Branham u vhudzulela ngomu ha khudzaipfi—Mudz.] “Whew!” Tshi khou tou ita phosho, vhunga, “Whew,” nga u ralo, ni a vhona. Ndi Tshinnkwa tsha vhana. Ni a vhona? Ndi tshaṇu. Ndi tsha u itela inwi. A si tshanga; Ndi tshaṇu. Ndi a livhuwa nga maanda, henehfo kha tshifhinga zwino, a thi... Ndi na mutakalo, u ya nga hune nda ḫivha; fhedzi Ndi Tshinnkwa kha n̄ne, na n̄ne-vho, musi ndi tshi tshi ḫoda. Ndi Tshinnkwa tshaṇu. Ndi th̄uthuwedzo. Kha inwi ane a vha uri ha vhuyi a lwāla, tshi sokou ḫisa mbilu dzashu n̄tha phanda ha Mudzimu.

¹⁹⁴ Izwi zwi kokotolo kha khalañwaha, zwe A amba uri U ḫo ita, “Huno sa zwe zwa vha zwi zwone mađuvhani a Sodoma, zwi do ralo kha u da ha Murwa-muthu, musi Murwa-muthu a tshi ḫo dzumbululwa.” Ni a vhona? “Huno, vhonani, Ndi ruma muporofita Eliya kha inwi hu sa athu da duvha ljhulwane li ofhisaho ḥa Murena. U ḫo vhuyedzedza mbilu dza vhathu murahu kha Khotsi.” Ni a vhona? Ni a vhona?

¹⁹⁵ “Huno vho lugaho vha ḋo tshimbila kha vha—vhavhi, milora.” Vha ḋo fhisa sa ḋāndo, ni a vhona, lifhasi li ḋo ralo. Ri a vhona uri li khou yo wela ngomu hangei. Huno thavhandubi i ḋo phadalala u budekanya lifhasi, huno maṭadulu a ḋo duga mulilo.

Oo Tombo ḥa Zwikhathi, ivha na khathutshelo kha nne zwino, na nga itsho tshifhinga.

¹⁹⁶ Naa ni vuwa hani? Zwo ralo, tshithu tshithihi, inwi ni na vhuleme ha mufumakadzi, vhuleme ha tshisadzini. Ni na zwińwe zwithu. Ni na mazhuluzhulu, uvho vhukale fhedzi ha u vha na mazhuluzhulu. Zwikhakhisi zwa tshaka dzoṭhe. Fhedzi ni na lutamo, na inwi-vho, lune lwa vha u ḫanganedza Muya Mukhethwa. Izwo ndi zwine zwa vha zwone. Ni a tenda uri ni... Naa no bulu tshińwe na tshińwe? Ni a tenda uri arali nda vhea zwanda kha inwi huno nda humbela Mudzimu u zwi ita, Muya Mukhethwa u ḋo ḋa? [Khaladzi u ri, “Ee.”—Mudz.] Ni a zwi tenda izwo? [“Ee, muṇe wanga.”] Kha ri rabele.

¹⁹⁷ Mudzimu a Funwaho, ndi vhea zwanda zwanga kha yuu musadzi, nga tshivhumbeo tsha vhuapostola, huno ndi humbela uri a ḫanganedze ndovhedzo ya Muya Mukhethwa. Nga Dzina ḥa Yesu Kristo, ngavhe a tshi I ḫanganedza. Amene.

¹⁹⁸ Ni songo zwi timatima. Ndi yaṇu, ni a vhona. Ndi yaṇu. Ndi tshone—tshone Tshinnkwa tsha vhana.

¹⁹⁹ No vha na vhudipfi vhutuku vhu songo doweleaho musi ndi tshi ri, “vhuleme ha tshisadzini,” a no ngo ralo? Ngauri uvho ndi he na vha ni naho, na inwi-vho. Zwino ni a tenda uri ni khou luga zwa zwino? Tuwani, ni tshi livhuwa fhedzi Murena.

²⁰⁰ Naa ni vuwa hani? Naa ni a tenda nga mbilu yaṇu yoṭhe? Ni a tenda uri ni khou yo kona u ḥa vhunga zwe na vha ni tshi anzela u ralo tshifhinga tshilapfu tsho fhiraho? Zwo luga. Tuwani, huno ni ri, “Ndi a U livhuwa, Murena. Ndi a zwi tenda.” Vhuhone ha Murena.

²⁰¹ Ni a tenda uri uvho vhuleme ha muṭodo vhu khou yo ni ṭutshela huno ni khou yo vha na mutakalo? Zwo luga. Itonu tuwa, ni tshi ri, “Ndi a U livhuwa, Mudzimu a funwaho,” huno Mudzimu u ḋo zwi tendela.

²⁰² Inwi ni a tenda uri ni nga vha na mutakalo, Murena u ḋo ni Ḇea mutakalo; huno a ni nga vhi na aṭhiraihisi, ni ḋo vha na mutakalo na takala? Ni a zwi tenda izwo? Tuwani, ni tshi Mu livhuwa, ni ri, “Murena, ndi a i ḫanganedza nga mbilu yanga yoṭhe, huno ndi a zwi tenda.”

Naa vho inwi noṭhe ni re negeyo nn̄da ni tendani nga Haṭo?

²⁰³ Inwi heneffho, vheani tshanda tshaṇu kha uyo musadzi o dzulaho heneffho tsini haṇu heneffho, mu vhudzeni uri u zwimba ha dzitsinga na aṭhiraihisi zwi ḋo mu ṭutshela. Musi a...?...

²⁰⁴ Mudzimu a ni fhaṭutshedze. Ni a tenda uri ni khou yo vha na mutakalo zwino? Iyani hayani huno ni ralo. Mudzimu a ni fhaṭutshedze. Iyani ndilani yaṇu, huno ni ri, “Ndi a U livhuwa, Murena Yesu.”

²⁰⁵ Naa ni vuwa hani? [Khaladzi u ri, “Rendani Murena.”—Mudz.] Ni a tenda uri vhuleme ha tshisadzini vhu khou yo ni ṭutshela, na inwi-vho? [“Ndi a ralo.”] Huno ni khou yo vha na mutakalo? [“Ndi a U livhuwa, Yesu.”] Tuwani, huno ni ri, “Ndi a U livhuwa, Murena.” [“Ndi a U livhuwa, Yesu.”]

²⁰⁶ Naa ni vuwa hani? [Khaladzi u ri, “Ho kokodzea tshizheuzheu.”—Mudz.] Mulandu, nñenñe, nñenñe! [“Totten.”] Ndi divha dzina ḥanu. Ndo—ndo vha ndi tshi anzela u... [“Totten.”] musi ndi tshi lisa tshivhidzo tsha Baphuthisi. [“Totten.”] Totten. [“Della Totten.”] Khaladzi Della Totten. Ni khou tambudzwa nga muṭodo zwino. [“Ee.”] U khou yo luga, zwino. Ni a tenda uri U khou yo ni ɳea mutakalo? [“Ee.”] Ni a elelwa zwe zwa bvelela ngei phasi kha tshivhidzo tsha Baphuthisi Milltown miñwaha yo fhiraho? [“Ee, ndi a zwi elelwa hezwo!”] U kha di vha Mudzimu a sa shanduki namusi. [“Oo, livhuwani Mudzimu!”] Mudzimu a ni fhaṭutshedze, khaladzi anga.

George Wright, naa ni ngafhi? Ni a elelwa? Nñenñe, hani...

Inwi ni a tenda, arali nda tou vhea zwanda zwanga kha inwi, ndi na ndodzo iyi, ni a tenda uri ni do vha na mutakalo? Idani ngeno. Nga Dzina ḥa Yesu Kristo ngavhe a tshi fhodzwa. Amene. Ivhani na lutendo!

Zwo ralo, naa ni a tenda noṭhe nga mbilu dzanu dzoṭhe? [Tshivhidzo tshi ri, “Amene.”—Mudz.]

²⁰⁷ Zwino, izwo zwi ḫisa nyelelwo dza kale zwavhuḍi hani, u vhona uyo mufumakadzi! A thi humbuli dzina ḥawe, naho zwo ralo, fhedzi ndi... [Muñwe u ri, “Totten.”] Totten. Totten, izwo ndi zwone. Oo, ee, ḥwananyana wawe o vha e Bertie. Izwo ndi zwone. Izwo ndi zwone kokotolo. Ni songo elekanya uri a thi tsha ḫipfesesa, ndi tou vha uri ndi nga ndi muṭuku, ni a ḫivha, zwi nga... A thi koni u zwi ḫalutshedza.

²⁰⁸ Fhedzi vhuleme ha muṭodo wanu ho ṭuwa, mufumakadzi. Tuwani, rendani Murena, huno ni ri, “Ndi a U livhuwa, Murena.”

²⁰⁹ Inwi ni a tenda uri vhuleme ha mbilu yaṇu vhu do luga, na inwi-vho? [Mulwadze u ri, “Ee.”—Mudz.] Itonu ṭuwa, takalani, huno ni ri, “Ndi a U livhuwa, Murena Yesu,” huno na Li tenda. Zwo luga. Ivhani na lutendo zwino. Ni songo timatima.

²¹⁰ Idani, mufumakadzi. Naa ni a tenda nga mbilu yaṇu yoṭhe? Ni na zwithu zwinzhi zwo khakheaho kha inwi. Ni na vhuleme ha muṭodo, na inwi-vho. Ni a tenda uri Mudzimu u khou yo ni ɳea mutakalo? Zwo luga, itonu tuwa, no takala. Uyo, uyo ndi Ene a no ni ita uri ni ḫipfe nga iyo ndila. Livhuwani Murena. Mudzimu a ni fhaṭutshedze, khaladzi.

²¹¹ Hu rini, murwa. [Mutukana u ri, “Hu rini!”—Mudz.] Inwi ni a tenda uri Mudzimu u khou yo fhodza mazhuluzhulu a uyo ḥwana huno a mu ɳea mutakalo? Ni a zwi tenda? Zwo luga. Hu rini, khonani, i ri ni ndi ni khađe.

²¹² Mudzimu a Funwaho, ɻusa itsho tshithu tshivhi kha uyu mutukana muɻuku, huno ngavhe a tshi tshila nahone a vha nomala. Dzinani la Yesu. Amene.

²¹³ Mudzimu a ni fhaɻutshedze, mukomana. Ni a zwi tenda izwo, naa a ni ralo? Ni do luga. Ni songo zwi timatima na luthihi.

²¹⁴ Ni muswa nga maand̄a u vha na vhuleme ha mbilu. Inwi ni a tenda uri Mudzimu u do ni ɳea mutakalo? [Mulwadze u ri, “Ee, muɳe wanga.”—Mudz.] Tuwani, ni ri, “Ndi a U livhuwa, Murena, nge wa mphodza.”

²¹⁵ Inwi ni a tenda uri Mudzimu u do fhodza vhuleme ha thumbuni huno a ni ɳea mutakalo? Bvelani phanda, takalani, huno ni ri, “Ndi a U livhuwa, Murena.”

²¹⁶ U kha di vha Mudzimu, naa a si Ene? [Tshivhidzo tshi ri, “Amene.”—Mudz.] Tshithu tshi re hone fhedzi tshire na tea u ita ndi u tou tenda. Naa izwo a si zwone? Naa ni a tenda Murwa-muthu mađuvhani a u fhedzisela?

²¹⁷ Hu na tshiñwe tshithu tshe tsha bvelela hafha miniti i si gathi yo fhiraho, huno a thi koni...ndi tshi khou lingedza u wana he tsha vha tshi hone. Muñwe muthu o vha e na lutendo huno a ita tshiñwe tshithu. Kana, khamusi ndi do vha wana Swondaha i tevhelaho, kana musi ndi tshi kona. Naa inwi—inwi...Ngetsho hafhu. No imisa tshanda tshanu. Naa ni a tenda uri Mudzimu a nga kona u fhodza uvho vhuleme ha mbilu, a ni ɳea mutakalo, a fhodza ḥwananyana wanu ngei nnda e na—e na...Inwi ni a zwi tenda? Vho-Mme Neff, vha a tenda uri Mudzimu...Leo Neff. A thi vha ɻivhi, fhedzi avho ndi vhane vhone vha vha vhone. Vha na vhuleme ha mbilu, nahone ḥwananyana wavho muɻuku u na vhuleme ha tswio. Vha a tenda uri u khou yo vha na mutakalo? Lutendo lwavho lu vha ɳea mutakalo. Kha vha tende nga mbilu yavho yothe.

²¹⁸ Inwi a re heneffo murahu dzivhani, no ima heneffo murahu ni na vhuleme ha thumbuni, Yesu Kristo u ni ɳea mutakalo.

²¹⁹ Inwi ni a tenda? [Tshivhidzo tshi ri, “Amene.”—Mudz.] Ha shanduki mulovha, ɻamusi, na lini na lini. Kha ri vheane zwanda zwino. Oo, elekanyani nga ha awara ine ra vha khayo, elekanyani nga ha tshifhinga. Elekanyani uri ri kha honoho Vhuhone ha Yesu Kristo, Murwa wa Mudzimu. O fulufhedzisa uri U do ita izwi mađuvhani a u fhedzisela. Ndo vhea zwanda kha idzi sagaduku.

²²⁰ Mudzimu a Funwaho, ndi a rabela uri U fhaɻutshedze idzi sagaduku kha u fhodzwa ha mivhili ya vhatu, nga kha Dzina la Yesu Kristo.

²²¹ Zwino, no vheana zwanda, muñwe na muñwe wañu ndi murado wa Muvhili wa Kristo. Muya Mukhethwa wonoyo muthihi wo fulufhedzisaho u dzumbulula zwiphiri zwa mbilu huno wa ita izwi zwithu, U kha inwi. Inwi ni tshipida Tshawe, huno Ene ndi tshipida tshañu. Zwino, O amba izwi, "Izwi zwiga zwi ño tevhela avho vhane vha tenda." Uyo ndi inwi. "Arali vha vhea zwanda zwavho kha vhalwadze, vha ño fhola." Zwino, ni songo ñirabelela, rabelelani uyo we na vhea zwanda zwanu khae, ngauri u khou ni rabelela. Zwino kha ri rabele rothe, huno ngavhe hu sa vhi na muthu a si na nungo ngomu tshifhañoni itshi. Ndi ngani ri tshi kha di do twa ro lindela, mukomana wanga a funwaho, khaladži, Ngoyu, Muya Mukhethwa, Mudzimu, henehfa, tshenetsho Tshithu tshe ra amba nga hatsho.

²²² Yesu a Funwaho, ri khou limuwa Vhuhone Hau. Wo vhuisa ulwo lushie luñuku murahu vhutshiloni liñwe ñuvha, nga murahu ha musi lwo fa, nga thabelo ya lutendo. Mudzimu a Funwaho, hu na vhanzhi fhano vhe ra kundelwa u swika khavho, tshifhinga tshi tshi khou fhira, fhedzi vho vheana zwanđa. Vha vhatendi. Ro dzula Vhuhoneni ha Murena Yesu Kristo, o vuswaho vhafuni, a sa shanduki mulovha, ñamusi, na lini na lini.

²²³ Sathane, iwe wo kundwa! Yesu Kristo o u kunda! O vuwa vhafuni huno o ima vhukati hashu madekwana a ñamusi, a tshi khou khwathisedza uyu Mulaedza wa maduvha a u fhedzisela. Ibva kha avha vhathu! Vha ñutshele, nga Dzina la Yesu Kristo! "Nga Dzina Langa vha ño pandela vhodiabolo," huno wo pandelwa. Nga Dzina la Yesu Kristo, ñutshela itshi tshivhidzo!

²²⁴ Muñwe na muñwe wa vhoiñwi zwino a no ñanganedza phodzo yaye, imani nga milenzhe yañu. Muñwe na muñwe a no ñanganedza phodzo, imani nga milenzhe yañu. Imisaní zwanda zwañu zwino huno ni Mu ñee thendo!

"Nñe zwino ndi ñanganedza phodzo yanga," ambani izwo kha Mudzimu. Nñe zwino ndi ñanganedza phodzo yanga. [Tshivhidzo tshi ri, "Nñe zwino ndi ñanganedza phodzo yanga."—Mudz.] Iwe u a sa shanduki mulovha, ñamusi, na lini na lini, Kristo. ["Iwe u a sa shanduki mulovha, ñamusi, na lini na lini, Kristo."] Nñe zwino ndi a U tenda. ["Nñe zwino ndi a U tenda."] Iwe thusa u sa tenda hanga. ["Iwe thusa u sa tenda hanga."] Amene. ["Amene."]

Ndi do Mu renda, ndi do Mu renda,
Rendani Ngwana yo vhulaelwaho
vhaiñazwivhi;
Mu ñeeni vhugala, vhoiñwi vhathu vhothe,
Ngauri Malofha Awe o ñanzwa dondo liñwe
na liñwe.

²²⁵ Naa inwi a ni Mu funi? [Tshivhidzo tshi ri, "Amene."—Mudz.] Kha ri Mu rende-ha. Muñwe na muñwe, zwanda zwañu zwi nthia, Mu ñeeni thendo, musi mukomana a tshi ña ngeno u ri balanganya.



ZWIŁIWA ZWA MUYA NGA KHALANWAHA YO TEAHO TSV65-0718E
(Spiritual Food In Due Season)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Swondaha, Fulwana 18, 1965, Thaberenekejeni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa ganđiswa u songo pfufhifhadzwa nga Tshiisimane. Heyi thalutshedzo ya Tshivenđa yo ganđiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org